

摘藻堂四庫全書薈要

史部

欽定四庫全書薈要卷七千九十五

史部

資治通鑑卷一百九

宋 司馬光 撰

胡三省 音註

晉紀三十一

強圉作
靈一年

安皇帝甲

諱德宗字德宇孝武帝長子也謚法好
和 不爭曰安又曰生而少斷曰安帝即

位後桓玄篡奪劉裕反正南征北伐事多而中
原亦多事通鑑所書凡十卷故以十干書卷數

隆安元年春正月己亥朔帝加元服改元以左僕射王

珣為尚書令領軍將軍王國寶為左僕射領選

領選者
領吏部

選選須

仍加後將軍丹陽尹會稽王道子悉以東宮兵

配國寶使領之

會工外翻

燕范陽王德求救於秦秦兵不

出鄴中恟懼

恟許洪翻

賀賴盧自以魏王珪之舅不受東平

公儀節度由是與儀有隙儀司馬丁建陰與德通從而

構間之

間古苞翻

射書入城中言其狀

射而亦翻

甲辰風霾晝晦

震謨皆翻風雨土曰霾

賴盧營有火建言於儀曰賴盧燒營為變

矣儀以為然引兵退賴盧聞之亦退建帥其眾詣德降

帥讀曰率降戶江翻

且言儀師老可擊德遣桂陽王鎮南安王青

帥騎七千追擊魏軍大破之

師克在和將帥不和敗之本也

燕主寶使

左衛將軍慕輿騰攻博陵殺魏所置守宰王建等攻信

都六十餘日不下士卒多死庚申魏王珪自攻信都壬

戌夜燕宜都王鳳踰城奔中山

鳳知珪至膳破而走

癸亥信都降

魏涼王光以西秦王乾歸數反覆

謂乾歸既稱藩於光而悔之也數所

角舉兵伐之乾歸羣下請東奔成紀以避之

成紀縣自漢以來屬

天水郡治小坑川唐併顯親縣入成紀縣移成紀縣治顯親川

乾歸曰軍之勝敗在於

巧拙不在衆寡先兵雖衆而無法其弟延勇而無謀不

足憚也且其精兵盡在延所延敗光自走矣光軍於長

最遣太原公纂等帥步騎三萬攻金城乾歸帥衆二萬

救之未至纂等拔金城光又遣其將梁恭等以甲卒萬

餘出陽武下峽

陽武下峽在昌平西河
水所經也將即亮翻

與秦州刺史沒

奕干攻其東天水公延以枹罕之衆攻臨洮武始河關

皆克之

臨洮縣漢屬隴西郡惠帝分屬狄道郡武始郡
故狄道縣地河關縣前漢屬金城郡後漢屬隴

西郡晉屬狄道郡
枹音膚洮土刀翻

乾歸使人紿延云

紿待
亥翻

乾歸衆潰奔

成紀延欲引輕騎追之司馬耿稚諫曰乾歸勇略過人

安肯望風自潰前破王廣楊定皆羸師以誘之

破楊定見上卷

孝武太元十九年又一百六卷太元十一年王廣為鮮

卑匹蘭所執送於後秦此時乾歸未統國事也乾歸破

廣當在乞伏國仁之時

今告者視高色動殆必有姦宜

稚直利翻羸倫為翻

整陳而前使步騎相屬

陳讀曰陣屬之欲翻

俟諸軍畢集然後擊

之無不克矣延不從進與乾歸遇延戰死稚與將軍姜

顯收散卒還屯枹罕光亦引兵還姑臧禿髮烏孤自

稱大都督大將軍大單于西平王

單音蟬

大赦改元太初

治兵廣武攻涼金城克之涼王光遣將軍竇苟伐之戰

于街亭涼兵大敗 燕主寶聞魏王珪攻信都出屯深

澤

深澤縣前漢屬涿郡後漢屬安平國晉屬博陵郡宋白曰深澤縣以界內水澤深廣為名

遣趙王

麟攻楊城

郡國志中山蒲陰縣有楊城

殺守兵三百寶悉出珍寶及

宮人募郡國羣盜以擊魏二月己巳朔珪還屯楊城沒

根兄子醜提為并州監軍聞其叔父降燕懼誅帥所部

兵還國作亂

監工街翻降戶江翻帥讀曰率下同

珪欲北還遣其國相涉

延求和於燕且請以其弟為質

相息亮翻質音致

寶聞魏有內

難不許

兵法曰知彼知己百戰不殆慕容寶徒欲乘拓跋珪之有內釁而困之而不知己之才畧不足

辦也難
乃旦翻

使冗從僕射蘭真責珪負恩

冗而隴翻
從才用翻

悉發其

衆步卒十二萬騎三萬七千屯於曲陽之栢肆

此趙國之下曲

陽縣也有栢肆塢隋開皇十六年置栢肆縣後廢入常
山臺城縣魏書帝紀作鉅鹿之栢肆塢按地形志鉅鹿

郡治
曲陽

營於滹沱水北以邀之

滹音呼沱
徒河翻

丁丑魏軍至營

於水南寶潛師夜濟募勇敢萬餘人襲魏營寶陳於營

北以為之援

陳讀曰陣下同

募兵因風縱火急擊魏軍魏軍大

亂珪驚起棄營跣走燕將軍乞持真帥百餘人至其帳

下得珪衣韡

韡許
戈翻

既而募兵無故自驚互相斫射

射而
亦翻

珪於營外望見之乃擊鼓收衆左右及中軍將士稍稍

來集多布火炬於營外縱騎衝之募兵大敗

敵出其不意故走見

敵之不整乃還戰善用兵者因魏變而動也

還赴寶陳寶引兵復渡水北戍

寅魏整衆而至與燕相持燕軍奪氣寶引還中山魏兵

隨而擊之燕兵屢敗寶懼棄大軍帥騎二萬犇還時大

風雪凍死者相枕

枕職任翻

寶恐為魏軍所及命士卒皆棄

袍仗兵器數十萬寸刃不返燕之朝臣將卒降魏及為

魏所係虜者甚衆

朝直遙翻將即亮翻降戶江翻

先是張袞嘗為魏王

珪言燕秘書監崔逞之材

據張袞傳袞未嘗與逞相識也聞其才而稱之先悉薦翻

珪得之甚喜以逞為尚書使錄三十六曹

漢光武分尚書為六曹置

郎三十四人并左右丞為三十六人至魏尚書郎有殿
中吏部駕部金部虞曹比部南主客祠部度支部農
部水部儀曹三公倉部民曹二千石中兵外兵都兵別
兵考功定課凡二十三郎明帝青龍二年置都官騎兵
合二十五郎晉武帝罷農部定課置直事殿中祠部儀
曹吏部三公比部金部倉部度支部官二千石左民右
民虞曹屯田起部水部左右主客駕部車部庫部左右
中兵左右外兵別兵都兵騎兵左右士北主客南主客
凡三十四曹後又置運曹凡三十五曹置郎
二十三人更相統攝今魏又增為三十六曹

任以政事

魏軍士有自栢肆亡歸者言大軍敗散不知王處道過

晉陽晉陽守將封真因起兵攻并州刺史曲陽侯素延
素延擊斬之南安公順守雲中聞之欲自攝國事幢將
代人莫題曰此大事不可輕爾宜審待後問不然為禍
不細順乃止順什翼犍之孫也

幢直江翻將即
亮翻犍居言翻

賀蘭部

帥附力眷紇隣部帥匿物尼紇奚部帥叱奴根皆舉兵
反

紇戶骨翻
帥所類翻

順討之不克珪遣安遠將軍庾岳帥萬騎

還討三部皆平之國人乃安珪欲撫慰新附深悔參合

之誅

事見上卷孝武帝太元二十年珪以燕
人慙參合之禍苦戰不下故深悔之

素延坐討

反者殺戮過多免官以奚牧為并州刺史牧與東秦主

興書稱頓首與之均禮

時乞伏氏建國隴西號秦故史書姚秦為東秦以別之

興

怒以告珪珪為之殺牧

為子偽翻

已卯夜燕尚書郎慕輿皓

謀弑燕主寶立趙王麟不克斬關出奔魏麟由是不自

安

為麟奔西山張本

三月燕以儀同三司武鄉張宗為司空

石勒分上黨置武鄉郡及武鄉縣唐遼州榆社縣即其地

初燕清河王會聞魏軍

東下表求赴難

難乃旦翻

燕主寶許之會初無去意

初無去龍城之

也意使征南將軍庫偁官偉建威將軍餘崇將兵五千為

前鋒崇嵩之子也

餘嵩見上卷孝武帝太元二十一年傳奴沃

翻 偉等頓盧龍

近百日

遼東新昌縣有盧龍山唐為平州盧龍縣慕容令所謂守肥如之險即其地也此遼東新昌後

人置於漢遼西郡界非漢舊郡縣地也近其新

翻 無食噉馬牛且盡會不發寶

怒累詔切責會不得已以治行簡練為名復留月餘

治直

之翻復扶又翻

時道路不通偉欲使輕軍前行通道偵魏彊弱

且張聲勢

便丑鄭翻

諸將皆畏避不欲行餘崇奮曰今巨寇

滔天京都危逼

京謂中山

匹夫猶思致命以救君父諸君

荷國寵任而更惜生乎

荷下可翻

若社稷傾覆臣節不立死

有餘辱諸君安居於此崇請當之偉喜簡給步騎五百

人崇進至漁陽遇魏千餘騎崇謂其衆曰彼衆我寡不

擊則不得免乃鼓譟直進崇手殺十餘人魏騎潰去崇

亦引還斬首獲生具言敵中濶狹衆心稍振會乃上道

徐進

上時掌翻

是月始達薊城

薊音計

魏圍中山既久城中將

士皆思出戰征北大將軍隆言於寶曰涉珪雖屢獲小

利然頓兵經年

涉歲為經年去年十一月魏攻中山

凶勢沮屈

沮在呂翻

士馬

死傷大半人心思歸諸部離解

謂賀蘭統鄰統奚三部

正是可破

之時也加之舉城思奮若因我之銳乘彼之衰往無不

克如其持重不決將卒氣喪

將即亮翻
喪息浪翻

日益困逼事久

變生後雖欲用之不可得也寶然之而衛大將軍麟每

沮其議

麟有異志
故沮隆議

隆成列而罷者前後數四寶使人請

於魏王珪欲還其弟觚

觚留燕事見一百七
卷孝武太元十六年

割常山以

西皆與魏以求和

常山以西并
州之地也

珪許之既而寶悔之已

西珪如盧奴

魏書地形志中山郡治盧奴鄭道元曰盧
奴城內西北隅有水淵而不流南北一百

步東西百餘步水色正黑曰

辛亥復園中山

杜佑曰後
燕都中山

盧不流曰奴故城以此得名

今博陵郡唐昌縣唐昌本漢苦陘縣章帝改漢昌曹
魏改魏昌隋改隋昌唐武德中改唐昌復扶又翻

燕

將士數千人俱自請於寶曰今坐守窮城終于困弊臣

等願得一出樂戰

士皆赴死願戰為樂戰也樂音洛

而陛下每抑之此

為坐自摧敗也且受圍歷時無他奇變徒望積久寇賊
自退今內外之勢彊弱懸絕彼必不自退明矣宜從衆
一決寶許之隆退而勒兵召諸參佐謂之曰皇威不振
寇賊內侮臣子同恥義不顧生今幸而破賊吉還固善
若其不幸亦使吾志節獲展卿等有北見吾母者為吾

道此情也

隆初鎮龍城與母俱北及垂召隆伐魏其母留龍城為子偽翻

乃被甲上馬

詣門俟命麟復固止寶

被皮義翻復扶又翻

衆大忿恨隆涕泣而

還

還從宣翻又如字下同

是夜麟以兵劫左衛將軍北地王精使

帥禁兵弑寶

帥讀曰率

精以義拒之麟怒殺精出奔西山依

丁零餘衆

中山西北二百里自狼山而西南連常山山谷深險漢末黑山張燕五代孫方簡

兄弟皆依阻其地丁零餘衆翟真之黨也為燕所敗退聚西山西山曲陽之西山也

於是城中人

情震駭寶不知麟所之

之往也

以清河王會軍在近恐麟

奪會軍先據龍城乃召隆及驃騎大將軍農

驃匹妙翻騎奇寄翻

謀去中山走保龍城隆曰先帝櫛風沐雨以成中興之

業崩未暮年而天下大壞豈得不謂之孤負邪今外寇

方盛而內難復起

難乃旦翻復扶又翻下復朝同

骨肉乖離百姓疑懼

誠不可以拒敵北遷舊都亦事之宜然龍川地狹民貧

龍川即謂和龍之地

若以中國之意取足其中復朝夕望有大功

此必不可若節用愛民務農訓兵數年之中公私充實

而趙魏之間厭苦寇暴民思燕德庶幾返旆克復故業

幾居希翻

如其未能則憑險自固猶足以優游養銳耳寶曰

卿言盡理朕一從卿意耳

隆策固善其如運命何兵家因敗為成隆之智亦足以及

此也使寶始終一從隆之說猶可以免蘭汗之禍

遼東高撫善卜筮素為隆所

信厚私謂隆曰殿下北行終不能達太妃亦不可得見

若使主上獨往殿下潛留於此必有大功隆曰國有大

難

難乃旦翻

主上蒙塵且老母在北吾得北首而死猶無所

恨卿是何言也

首式救翻

乃遍召僚佐問其去留唯司馬魯

恭參軍成爰願從

從才用翻

餘皆欲留隆竝聽之農部將谷

會歸說農曰

說輸芮翻

城中之人皆涉珪參合所殺者父兄

子弟泣血踊躍欲與魏戰而為衛軍所抑

慕容麟為衛大將軍故稱

之為衛軍

今聞主上當北遷皆曰得慕容氏一人奉而立之

以與魏戰死無所恨大王幸留此以副衆望擊退魏軍

撫寧畿甸奉迎大駕亦不失為忠臣也農欲殺歸而惜

其材力謂之曰必如此以求生不如就死

農隆皆號為有智略而所

見類如此天之廢燕智者失其智矣

壬子夜寶與太子策遼西王農高陽

王隆長樂王盛等萬餘騎出赴會軍河間王熙勃海王

朗博陵王鑒皆幼不能出城隆還入迎之自為鞍乘

平鞍

義翻說文
曰車駕具

俱得免燕將王沈等降魏

沈持
林翻

樂浪王惠中

書侍郎韓範外郎段宏太史令劉起等帥工伎三百

犇鄴

樂浪音洛琅帥讀
曰率伎渠綺翻

中山城中無主百姓惶惑東門

不閉魏王珪欲夜入城冠軍將軍王建志在虜掠乃言

恐士卒盜府庫物請俟明旦珪乃止燕開封公詳從寶

不成城中立以為主閉門拒守珪盡衆攻之連日不拔

使人登巢車

杜預曰巢車車上為櫓陸德明曰兵車高
如巢以望敵也杜佑曰以八輪車上樹高

竿竿上安轆轤以繩挽板屋上竿首以窺城中板屋方
四尺高五尺有十二孔四面別布車可進退圍城而行

於營中遠視如鳥之巢故謂之巢車

臨城諭之曰慕容寶已棄汝走汝曹

百姓空自取死欲誰為乎

為于偽翻

皆曰羣小無知恐復如

參合之衆

復扶又翻下復出同

故苟延旬月之命耳珪顧王建而

唾其面

唾土賀翻王建既鼓成參合之誅又沮止珪乘夜入中山失計者再故唾其面

使中領

將軍長孫肥左將軍李栗將三千騎追寶至范陽不及

破其新城戍而還

前漢志中山國有北新城縣郡國志涿郡有北新城縣晉省水經註新城

縣在武遂縣南燕督亢之地也

甲寅尊皇太后李氏為太皇太后戊

午立皇后王氏

燕主寶出中山與趙王麟遇于阡城

攷之字書無阡字
有阡字疾鉅翻

麟不意寶至驚駭帥其衆奔蒲陰

蒲陰

縣屬中山郡前漢之曲逆縣也後章帝醜其名改曰蒲陰帥讀曰率下同

復出屯望都

扶復

又翻土人頗供給之慕容詳遣兵掩擊麟獲其妻子麟脫

走入山中甲寅寶至薊殿中親近散亡略盡惟高陽王

隆所領數百騎為宿衛清河王會帥騎卒二萬迎于薊

南寶怪會容止怏怏有恨色

恨不得為嗣也事見上卷孝武帝太元二十四年怏

於兩翻密告隆及遼西王農農隆俱曰會年少

少詩照翻

專任

方面習驕所致豈有他也臣等當以禮責之寶雖從之

然猶詔解會兵以屬隆隆固辭乃減會兵分給農隆又

遣西河公庫儻官驥帥兵三千助守中山

傳奴沃翻

丙辰寶

盡徙薊中府庫北趣龍城

趣七喻翻

魏石河頭引兵追之戊

午及寶於夏譙澤

石河頭時屯漁陽夏譙澤在薊北二百餘里

寶不欲戰清

河王會曰臣撫教士卒惟敵是求今大駕蒙塵人思效

命而虜敢自送衆心忿憤兵法曰歸師勿遏又曰置之

死地而後生

孫武子之言

今我皆得之何患不克若其捨去

賊必乘人或生餘變寶乃從之會整陳與魏兵戰

陳讀曰陣

農隆等將南來騎衝之魏兵大敗追奔百餘里斬首數

千級隆又獨追數十里而還謂故吏留臺治書陽璆曰

留臺治書為留臺治書侍御史也燕建留臺於龍城見

一百七卷孝武太元十四年隆時錄留臺故璆為故吏

璆渠

幽翻中山城中積兵數萬不得展吾意今日之捷令人

遺恨因慷慨流涕會既敗魏兵

敗蒲邁翻

矜狠滋甚隆屢訓

責之會益忿恚

狠戶懸翻恚於避翻

會以農隆皆嘗鎮龍城

孝武太元

十年農鎮龍城十四年隆代農

屬尊位重名望素出已右恐至龍城權

政不復在已

復扶又翻

又知終無為嗣之望

以寶遠垂命立策為太子也

乃謀作亂幽平之兵皆懷會恩不樂屬二王

樂音洛

請於

寶曰清河王勇略高世臣等與之誓同生死願陛下與

皇太子諸王留薊宮臣等從王南解京師之圍還迎大

駕寶左右皆惡會

惡鳥路翻

言於寶曰清河王不得為太子

神色甚不平且其才武過人善收人心陛下若從衆請

臣恐解圍之後必有衛輒之事

衛靈公世子蒯瞶出奔靈公立其子輒靈公卒

輒立蒯瞶復入輒拒而不納

寶乃謂衆曰道通年少

會字道通少詩照翻

才不

及二王

二王謂袁隆

豈可當專征之任且朕方自統六師仗

會以為羽翼何可離左右也

離力智翻

衆不悅而退左右勸

寶殺會侍御史仇尼歸聞之告會曰大王所恃者父父

已異圖所仗者兵兵已去手欲於何所自容乎不如誅

二王廢太子大王自處東宮

處昌呂翻

兼將相之任

將即亮翻相息

亮翻以匡復社稷此上策也會猶豫未許寶謂農隆曰觀

道通志趣必反無疑宜早除之農隆曰今寇敵內侮中

土紛紜社稷之危有如累卵會鎮撫舊都遠赴國難

難乃

旦翻其威名之重足以震動四鄰逆狀未彰而遽殺之豈

徒傷父子之恩亦恐大損威望寶曰會逆志已成卿等

慈恕不忍早殺恐一旦為變必先害諸父然後及吾至

時勿悔自負也會聞之益懼夏四月癸酉寶宿廣都黃

榆谷

魏收地形志廣都縣屬建德郡在漢北平白狼縣界隋省入遼西柳城縣

會遣其黨仇

尼歸吳提染干帥壯士二十餘人

帥讀曰率下同

分道襲農隆

殺隆於帳下農被重創

被皮義翻創初良翻

執仇尼歸逃入山中

會以仇尼歸被執事終顯發乃夜詣寶曰農隆謀逆臣

已除之寶欲討會陽為好言以安之曰吾固疑二王久

矣除之甚善甲戌旦會立仗嚴備乃引道會欲棄隆喪

餘崇涕泣固請乃聽載隨軍農出自歸寶呵之曰何以

自負邪寶陽責農而以前言相撓發命執之行十餘里寶顧召羣臣

食且議農罪會就坐坐祖卧翻寶目衛軍將軍慕輿騰使斬

會傷其首不能殺會走赴其軍勒兵攻寶寶帥數百騎

馳二百里晡時至龍城會遣騎追至石城不及石城縣漢屬北

平郡後魏屬建德郡隋併入柳城縣乙亥會遣仇尼歸攻龍城寶夜遣兵

襲擊破之會遣使請誅左右佞臣并求為太子使疏吏翻寶

不許會盡收乘輿器服以後宮分給將帥

乘繩證翻將即亮翻帥所

類翻

署置百官自稱皇太子錄尚書事引兵向龍城以討

慕輿騰為名丙子頽兵城下寶臨西門會乘馬遙與寶

語寶責讓之會命軍士向寶大譟以耀威城中將士皆

憤怒向暮出戰大破之會兵死傷大半走還營侍御郎

高雲夜帥敢死士百餘人襲會軍

寶之為太子雲以武藝給事侍東宮拜侍

御即

會眾皆潰會將十餘騎奔中山開封公詳殺之寶殺

會母及其三子丁丑寶大赦凡與會同謀者皆除罪復

舊職論功行賞拜將軍封侯者數百人遼西王農骨破

見腦寶手自裹創

創初良翻

僅而獲濟以農為左僕射尋拜

司空領尚書令餘崇出自歸寶嘉其忠拜中堅將軍使

典宿衛贈高陽王隆司徒謚曰康寶以高雲為建威將

軍封夕陽公養以為子雲高句麗之支屬也

高句麗自云高陽氏

之後裔故以高為氏句如字又音駒麗力智翻

燕王皝破高句麗徙於青山

高破

句麗見九十七卷成帝咸康八年青山遼西徒河縣之青山也

由是世為燕臣雲沈厚

寡言

沈持林翻

時人莫知惟中衛將軍長樂馮跋

魏收曰漢高帝置信

都郡景帝二年為廣川國明帝更名樂成國安帝改為安平國晉改為長樂郡考之晉志有安平而無長樂不知何時更名

奇其志度與之為友

高雲馮跋事始見於此為後得燕張本

跋父和事西燕王永為將軍永敗徙和龍僕射王國

寶建威將軍王緒依附會稽王道子

會工外翻

納賄窮奢不

知紀極惡王恭殷仲堪

惡鳥路翻

勸道子裁損其兵權中外

恟恟不安

恟許拱翻

恭等各繕甲勒兵表請北伐道子疑之

詔以盛夏妨農悉使解嚴恭遣使與仲堪謀討國寶等

遣使疏吏翻

桓玄以仕不得志欲假仲堪兵勢以作亂

玄仕不得

志事見孝武
太元十七年

乃說仲堪曰國寶與君諸人素已為對

始事

一百七卷孝武太元十五年對敵也說輸芮翻下同

唯患相斃之不速耳今既執

大權與王緒相表裏其所迴易無不如志孝伯居元舅

之地必未敢害之

王恭字孝伯孝武王皇后之兄弟也

君為先帝所拔超

居方任人情皆以君為雖有思致非方伯才

亦見太元十五年思

相吏

彼若發詔徵君為中書令用殷覲為荊州

南蠻校尉資次

翻

可為荊州故

君何以處之

處昌呂翻

仲堪曰憂之久矣計將

云覲音冀

安出立曰孝伯疾惡深至君宜潛與之約興晉陽之甲

以除君側之惡

春秋公羊傳曰趙鞅與晉陽之甲以除君側之惡

東西齊舉

江陵

在西京口在東故曰東西齊舉也

玄雖不肖願帥荆楚豪傑荷戈先驅

帥讀曰率荷下可翻

此桓文之勲也仲堪心然之乃外結雍州刺

史郝恢

雍於用翻郝丑之翻

內與從兄南蠻校尉覲南郡相陳留

江績謀之

從才用翻南蠻府南郡相與荊州刺史府同治江陵

覲曰人臣當各守

職分朝廷是非豈藩屏之所制也

分扶問翻屏必郢翻

晉陽之事

不敢預聞仲堪固邀之覲怒曰吾進不敢同退不敢異

績亦極言其不可覲恐績及禍於坐和解之

坐徂卧翻

績曰

大丈夫何至以死相脅邪江仲元行年六十但未獲死

所耳

江績字仲元

仲堪憚其堅正以楊佺期代之朝廷聞之

徵績為御史中丞覲遂稱散發辭位

晉人多服寒食散其藥毒發或致死

今千金方中有數方散悉重翻

仲堪徃省之

省悉井翻

謂覲曰兄病殊為可

憂覲曰我病不過身死汝病乃當滅門宜深自愛勿以

我為念郝恢亦不肯從仲堪疑未決會王恭使至

使疏吏翻

仲堪許之恭大喜甲戌恭上表罪狀國寶舉兵討之初

孝武帝委任王珣及帝暴崩不及受顧命珣一旦失勢

循默而已

循默者循常而無一言也

丁丑王恭表至內外戒嚴道子

問珣曰二藩作逆卿知之乎珣曰朝政得失珣弗之預

朝直遙翻

王殷作難

難乃旦翻

何由可知王國寶惶懼不知所為

遣數百人戍竹里

竹里今建康府竹篠鎮是其地在行宮城東北三十許里

夜遇風

雨各散歸王緒說國寶矯相王之命召王珣車胤殺之

以除時望因挾君相發兵以討二藩國寶許之

說鞠芮翻相息

亮翻車尺遮翻

珣肩至國寶不敢害更問計於珣珣曰王殷與

卿素無深怨所競不過勢利之間耳國寶曰將曹爽我

乎

謂珣如蔣濟說曹爽釋權而司馬懿終族之也事見七十五卷魏邵陵厲公嘉平元年

珣曰是

何言歟卿寧有爽之罪王孝伯豈宣帝之儔邪又問計

於肩肩曰昔桓公圍壽陽彌時乃克

見一百二卷海西公太和五年及一

百三卷簡文帝咸安元年

今朝廷遣軍恭必城守若京口未拔而上

流奄至君將何以待之國寶尤懼遂上疏解職詣闕待

罪既而悔之詐稱詔復其本官道子閭懦欲求姑息

且姑

也息止也姑息猶言且止

乃委罪國寶遣驃騎諮議參軍譙王尚之

收國寶付廷尉

洪景伯曰諮議參軍晉江左初置因軍諮祭酒也其位在諸參軍之右驃匹妙

翻騎奇
寄翻

尚之恬之子也甲申賜國寶死斬緒於市遣使

詣恭深謝愆失恭乃罷兵還京口國寶兄侍中愷驃騎

司馬愉竝請解職道子以愷愉與國寶異母又素不協

皆釋不問戊子大赦殷仲堪雖許王恭猶豫不敢下聞

國寶等死乃始抗表舉兵遣楊佺期屯巴陵

沈約曰巴陵縣晉武

太康元年置屬長沙鄴道元曰湘水北至巴丘山入江山在右岸有巴陵故城本吳之巴丘即閭晉立巴陵縣

後置建昌郡

道子以書止之仲堪乃還會稽世子元顯年十

六有雋才為侍中說道子以王殷終必為患請潛為之

備

說翰
尚翻

道子乃拜元顯征虜將軍以其衛府及徐州文

武悉配之

為元顯討
王殷張本

魏王珪以軍食不給命東平公

儀去鄴徙屯鉅鹿積租楊城慕容詳出步卒六千人伺

間襲魏諸屯

伺相吏翻
間古莧翻

珪擊破之斬首五千生擒七百

人皆縱之

縱之所以搗中
山城中之人心

初張掖盧水胡沮渠羅仇

匈奴沮渠王之後也

盧水胡分居安定張掖史各以其
所居郡係之沮子余翻北史曰沮

渠世居張掖
臨松盧水

世為部帥

帥所
類翻

涼王光以羅仇為尚書從

光伐西秦及呂延敗死羅仇第三河太守麴弼謂羅仇

曰

呂光得涼州自號三河王此郡蓋光置也賢曰三河謂金城河賜支河湟河北郡當置於漢張掖金城郡

界

主上荒耄信讒今軍敗將死

將即亮翻

正其猜忌智勇之

時也吾兄弟必不見容與其死而無名不若勒兵向西

平出荊藿

河西張氏置西平郡唐為鄯州之地荊藿地名在漢張掖郡番禾縣界藿徒弔翻番如淳

音奮臂一呼

呼火故翻

涼州不足定也羅仇曰誠如汝言然

吾家世以忠孝著於西土寧使人負我我不忍負人也
光果聽讒以敗軍之罪殺羅仇及麴粥羅仇弟子蒙遜
雄傑有策略涉獵書史以羅仇麴粥之喪歸葬諸部多

其族姻會葬者凡萬餘人蒙遜哭謂衆曰呂王昏荒無

道多殺不辜吾之上世虎視河西

蒙遜之先世為匈奴左且渠河西匈奴左

地也世居廬水為酋豪其高曾皆雄健有勇名

今欲與諸部雪二父之恥復上

世之業何如衆咸稱萬歲遂結盟起兵攻涼臨松郡拔

之

臨松郡張天錫置後周廢入張掖郡張掖縣

屯據金山

五代史志張掖刪丹縣有金山沮渠

蒙遜事

司徒左長史王廩導之孫也

廩許金翻

以母喪居

始此

吳王恭之討王國寶也版廩行吳國內史

以白版授官非朝命也

使起兵於東方

三吳皆在建康之東

廩使前吳國內史虞嘯父等

入吳興義興召募兵衆

父音甫

赴者萬計未幾國寶死

幾居

宣翻

恭罷兵符廡去職反喪服廡以起兵之際誅異已者

頗多勢不得止遂大怒不承恭命使其子泰將兵伐恭

賤於會稽王道子稱恭罪惡

將即亮翻會工外翻

道子以其賤送

恭五月恭遣司馬劉牢之帥五千人擊泰斬之

帥讀曰率

又

與廡戰於曲阿衆潰廡單騎走不知所在

騎奇寄翻

收虞嘯

父下廷尉以其祖潭有功

虞潭有討蘇峻之功下邳嫁翻

免為庶人

燕庫傳官驥入中山與開封公詳相攻

慕容寶遣驥助守中山因與詳

相攻傳
奴沃翻

詳殺驥盡滅庫儻官氏又殺中山尹苻謨夷其

族中山城無定主民恐魏兵乘之男女結盟人自為戰

使慕容晨慕容隆留中山而用之未可知也

甲辰魏王珪罷中山之圍就穀

河間督諸郡義祖甲寅以東平公儀為驃騎大將軍都

督中外諸軍事充豫雍荆徐揚六州牧左丞相封衛王

驃匹妙翻騎奇
寄翻雍於用翻

慕容詳自謂能却魏兵威德已振乃即

皇帝位改元建始置百官以新平公可足渾潭為車騎

大將軍尚書令

潭當
作譚

殺拓跋觚以固衆心

觚先使燕為
燕所留珪之

第也鄴中官屬勸范陽王德稱尊號會有自龍城來者知

燕主寶猶存乃止涼王光遣太原公纂將兵擊沮渠

蒙遜於怒谷破之急谷當在刪丹縣界蒙遜逃入山中蒙遜從兄

男成為涼將軍從才用翻聞蒙遜起兵亦合衆數千屯樂涇

樂涇縣漢屬酒泉郡後周廢入福祿縣涇姑歎翻又古玩翻酒泉太守壘澄討男成

兵敗澄死壘姓澄名男成進攻建康遣使說建康太守段業

曰說翻呂氏政衰權臣擅命刑殺無常人無容處一州

之地處呂翻叛者相望瓦解之形昭然在目百姓嗷然無

所依附府君奈何以蓋世之才欲立忠於垂亡之國男
成等既唱大義欲屈府君撫臨鄆州使塗炭之餘蒙來
蘇之惠

書曰僕我后
後來其蘇

何如業不從相持二旬外救不至

郡人高逵史惠等勸業從男成之請業素與涼侍中房
晷僕射王詳不平懼不自安乃許之男成等推業為大

都督龍驤大將軍涼州牧建康公

驤思
將翻

改元神璽

璽斯
氏翻

以男成為輔國將軍委以軍國之任蒙遜帥衆歸業

帥讀

曰業以蒙遜為鎮西將軍光命太原公纂將兵討業不

克

將即亮翻

六月西秦王乾歸徵北河州刺史彭奚念為

鎮衛將軍以鎮西將軍屋弘破光為河州牧

屋弘當作屋引魏書

官氏志內入諸姓有屋引氏後改為房氏張駿分興晉

金城武始南安永晉大夏武成漢中為河州北河州乞

伏氏所置也治枹罕

定州刺史翟瑄為興晉太守鎮枹

鎮衛將軍劉聰所置

罕

張茂分武興金城西平安故為定州興晉郡亦張氏置枹罕縣漢屬金城郡後漢屬隴西郡後又分屬西

平郡張駿分屬晉興郡後又

分置興晉郡瑄音溫枹音膚

秋七月慕容詳殺可足

渾潭詳嗜酒奢淫不恤士民刑殺無度所誅王公以下

五百餘人羣下離心城中饑窘詳不聽民出采稻

稻音呂禾

不布種而
自生曰稻

死者相枕

枕職任翻

舉城皆謀迎趙王麟詳遣輔

國將軍張驤帥五千餘人督租於常山

驤思將翻帥讀曰率

麟自

丁零入驤軍潛襲中山城門不閉執詳斬之麟遂稱尊

號聽人四出采稻人既飽求與魏戰麟不從稍復窮餒

復扶又翻

魏王珪軍魯口遣長孫肥帥騎七千襲中山入其

郭麟追至泝水

泝水在中山新市縣輿地志云盧奴城北臨泝水面泝河泝攻乎翻

為魏

所敗而還

敗蒲邁翻還從宣翻又如字下同

八月丙寅朔魏王珪徙軍

常山之九門

常山郡有九門縣

軍中大疫人畜多死將士皆思

歸珪問疫於諸將對曰在者纔什四五珪曰此固天命
將若之何四海之民皆可為國在吾所以御之耳何患
無民羣臣乃不敢言遣撫軍大將軍略陽公遵襲中山
入其郭而還 燕以遼西王農為都督中外諸軍事大

司馬錄尚書事

涼散騎常侍太常西平郭麇善天文

數術

散悲 賈翻 騎奇 寄翻 麇奴 昆翻

國人信重之會熒惑守東井麇謂

僕射王詳曰涼之分野將有大兵

分扶 問翻

主上老病太子

閣弱太原公凶悍

悍下 罕翻 又侯肝翻

一旦不諱禍亂必起吾二

人久居內要彼常切齒將為誅首矣田胡王乞基部落

最彊

田胡胡之一種也

二苑之人多其舊衆吾欲與公舉大事

推乞基為主二苑之衆盡我有也

涼州治姑臧有東西苑城

得城之

後徐更議之詳從之麇夜以二苑之衆燒洪範門使詳

為內應事泄詳被誅

被皮義翻

麇遂據東苑以叛民間皆言

聖人舉兵事無不成從之者甚衆涼王光召太原公纂使討麇纂將還諸將皆曰段業必躡軍後宜潛師夜發纂曰業無雄才憑城自守若潛師夜出適足張其氣勢

耳

張知亮翻

乃遣使告業曰郭麇作亂吾今還都

都謂姑臧使疏吏翻

卿能決者可早出戰於是引還業不敢出纂司馬楊統

謂其從兄桓曰

從才用翻

郭麇舉事必不虛發吾欲殺纂推

兄為主西襲呂弘據張掖號令諸郡此千載一時也桓

怒曰吾為呂氏臣安享其祿危不能救豈可復增其難

乎

復扶又翻難乃旦翻

呂氏若亡吾為弘演矣

春秋衛懿公與狄人戰于焚澤為狄

人所殺弘演納肝以殉之桓女

統至番禾遂叛歸麇

番禾

配纂其見親異於他人故云然

縣漢屬張掖郡晉屬武威郡唐

天寶中改為天寶縣番音盤

弘纂之弟也纂與西安

太守石元良共擊磨大破之乃得入姑臧磨得光孫八

人於東苑及敗而恚

恚於
避翻

悉投於鋒上枝分節解飲其

血以盟衆衆皆掩目涼人張捷宋生等招集戎夏三千

人反於休屠城

夏戶雅翻休屠縣漢屬武威郡因休屠
王城以為名也晉省縣水經註姑臧城

西有馬城東城即休屠
縣故城也屠直於翻

與磨共推涼後將軍楊軌為盟

主軌略陽氏也將軍程肇諫曰卿棄龍頭而從蛇尾非

計也軌不從自稱大將軍涼州牧西平公纂擊破磨將

王斐于城西磨兵勢漸衰遣使請救于禿髮烏孤

使疏
吏翻

九月烏孤使其弟驃騎將軍利鹿孤帥騎五千赴之

帥讀

曰幸騎

秦太后蚺氏卒

蚺以者翻虜姓也又食遮翻又音他

秦主興哀

奇寄翻

毀過禮不親庶政羣臣請依漢魏故事既葬即吉尚書

郎李嵩上疏曰孝治天下先王之高事也

治直之翻

宜遵聖

性以光道訓既葬之後素服臨朝

朝直遙翻

尹緯駁曰嵩矯

常越禮

尹緯習於聞見反謂李嵩為矯常越禮嗚呼自短喪之制行人之不知禮也久矣駁北角翻

請付有司論罪興曰嵩忠臣孝子有何罪乎其一從嵩

議鮮卑薛勃叛秦

薛勃據貳城為魏所攻而降于秦

秦主興自將討

之

將即亮翻

勃敗犇沒奕干沒奕干執送之

秦泫氏男姚

買得謀弑秦主興不克而死

泫師古曰工玄翻楊正衡胡大翻

秦主

興入寇湖城弘農太守陶仲山華山太守董邁皆降之

遂至陝城進寇上洛拔之

置湖陝二戍見一百六卷孝武太元十一年華山郡晉分

弘農之華陰京兆之鄭馮翊之夏陽郿陽置上洛縣前

漢屬弘農後漢屬京兆晉武帝泰始二年分京兆南部

置上洛郡華戶

化翻陝失丹翻

遣姚崇寇洛陽河南太守夏侯宗之固

守金墉崇攻之不克乃徙流民二萬餘戶而還武都氏

屠飛啖鐵等據方山以叛秦

據晉書載記時飛鐵殺隗東太守姚迴屯據方山則

方山當在隴東郡界祝穆曰方山在武都郡東西四十里

興遣姚紹等討之斬飛鐵

興勤於政事延納善言京兆杜瑾等皆以論事得顯拔

天水姜龕等以儒學見尊禮

瑾渠各龕龕口含翻

給事黃門侍郎

古成詵等以文章參機密

古成姓也詵疎臻翻

詵剛介雅正以風

教為已任京兆常高慕阮籍之為人居母喪彈琴飲酒

詵聞之而泣持劍求高欲殺之高懼而逃匿中山饑

甚慕容麟帥二萬餘人出據新市

新市縣自漢以來屬中山劉胸曰新市古

鮮虞子國唐為定州新樂縣杜佑曰唐鎮州治真定縣漢新市縣故城在東北帥讀曰率

甲子晦魏

王珪進軍攻之太史令鼂崇曰不吉昔紂以甲子亡謂

之疾日

左傳辰在子卯謂之疾日杜預註云疾惡也紂以甲子喪桀以乙卯亡故以為忌日鼂直遙翻

兵家忌之珪曰紂以甲子亡周武不以甲子興乎崇無

以對冬十月丙寅麟退阻泝水

泝音

甲戌珪與麟戰於

義臺大破之

據李延壽北史義臺塢名魏收地形志新市縣有義臺城

斬首九千餘

級麟與數十騎馳取妻子入西山遂奔鄴甲申魏克中

山燕公卿尚書將吏士卒降者二萬餘人

將即亮翻降戶江翻

張

驤李沈先嘗降魏復亡去

復扶又翻

珪入城皆赦之得燕璽

綬圖書府庫珍寶以萬數

璽斯氏翻
綬音受

班賞羣臣將士有

差追謚弟酈為秦愍王發慕容詳冢斬其尸收殺酈者

高霸程同皆夷五族

五族謂五
服內親也

以大刃剗之丁亥遣三

萬騎就衛王儀將攻鄴

秦長水校尉姚珍犇西秦西

秦王乾歸以女妻之

妻七
細翻

河南鮮卑吐秣等十二部

大人皆附於禿髮烏孤

此金城
河南也

燕人有自中山至龍

城者言拓跋珪衰弱司徒德完守鄴城會德表至勸

燕主寶南還寶於是大簡士馬將復取中原遣鴻臚魯

遂冊拜德為丞相冀州牧

臚陵如翻

南夏公侯牧守皆聽承

制封拜

夏戶雅翻

十一月癸丑燕大赦十二月調兵悉集戒

嚴在頓

調徒吊翻頓者次舍之所

遣將軍啓崙南視形勢

崙虛昆翻

乙亥

慕容麟至鄴復稱趙王說范陽王德曰魏既克中山將

乘勝攻鄴鄴中雖有蓄積然城大難固且人心恒懼

說翰

苟翻恒去王翻

不可守也不如南趣滑臺

趣七喻翻

阻河以待魏伺


釁而動河北庶可復也時魯陽王和鎮滑臺和垂之弟

子也亦遣使迎德德許之

使疏吏翻



資治通鑑卷一百九



總校官庶吉士臣侍朝

校對官檢討臣王坦修

謄錄貢生臣張誠智

欽定四庫全書薈要

史部

資治通鑑卷一百十一

詳校官編修臣汪鏞



欽定四庫全書薈要卷七千九十六

史部

資治通鑑卷一百一十 宋 司馬光 撰

胡三省 音註

 晉紀三十二

著 雍 閏
茂 一 年

安皇帝乙

隆安二年春正月燕范陽王德自鄴帥戶四萬南徙滑

臺

帥讀曰
率下同

魏衛王儀入鄴收其倉庫追德至河弗及趙

王麟上尊號於德

上時
掌翻

德用兄垂故事稱燕王

事見一
百五卷

孝武太元九年改永康三年為元年以統府行帝制

統府者諸方鎮皆統

於燕王府行帝制者稱制以行事

置百官以趙王麟為司空領尚書令

慕容法為中軍將軍慕容興拔為尚書左僕射丁通為右

僕射麟復謀反德殺之

慕容麟背父叛兄姦詐反覆天下其誰能容之復扶又翻

庾子魏王珪自中山南巡至高邑得王永之子憲喜曰

王景略之孫也以為本州中正

王猛青州北海劇縣人太康中分劇屬東莞郡

晉東莞屬徐州晉書載記以北海劇縣書之蓋猛自占漢郡縣也然家於魏郡而隱於華陰田是歸秦其子求鎮幽州從苻丕戰死於襄陵故憲流寓高邑今魏以為本州中正則未得青徐蓋使之銓叙東夏人士耳
領

選曹事兼掌門下

選曹吏部尚書之職門下侍中常侍給事黃門之職選須絹翻

至鄴

置行臺

鄭樵曰行臺自魏晉有之晉文王討諸葛誕散騎常侍裴秀尚書僕射陳泰以行臺從東海王

越帥衆屯許昌以行臺自隨後魏謂之尚書大行臺別置官屬

以龍驤將軍日南公和

跋為尚書與左丞賈彞帥吏兵五千人鎮鄴

自漢光武委任尚書

事歸臺閣謂尚書省曰尚書臺晉惠帝西遷長安置留臺於洛陽主留事於是有留臺之名至拓跋氏置行臺隨其所置掌一道之事魏書官氏志內入諸姓有素和氏後改為和氏驥思將翻

珪自鄴還中

山將北歸發卒萬人治直道

治直之翻

自望都鑿恒嶺至代

五百餘里

恒嶺恒山之嶺也在上曲陽西北即倒馬關路晉書地道記謂之鴻上關沈括曰北岳恒

山今謂之大茂山者是也。岳祠舊在山下。石晉之後，稍遷近裏。今其地謂之神棚。今祠乃在曲陽祠北，有望岳亭。新晴氣清，則望見大茂飛狐路在大茂之西，自銀冶寨北出，倒馬關却自石門子令水鋪入，餅形梅回兩寨之間，至代州。然沈括所謂代州乃鴈門也，自此亦可至魏之代都，但恐非直道耳。○水經註：祁夷水出平舒縣東北，流逕蘭亭南，又東北逕石門關北，舊道出中山故關也。魏土地記：代城西九里有平舒城，此則古代城也。恒戶

珪恐已既去，山東有變，復置行臺於中山。

復扶登翻

命衛王儀鎮之以撫軍，大將軍略陽公遵為尚書左僕射，鎮勃海之合口。右將軍尹國督租于冀州，聞珪將北還，謀襲信都。安南將軍長孫嵩執國斬之。

長知兩翻

燕啓

倫還至龍城

去年寶遣啓崙南觀形勢倫當作崙音盧昆翻

言中山已陷燕主

寶命罷兵遼西王農言於寶曰今遷都尚新未可南征

宜因成師襲庫莫奚取其牛馬以充軍資更審虛實俟

明年而議之寶從之己未北行庚申渡洸洛水

洸洛水蓋即饒

樂水也賢曰水在今營州北唐太宗時奚內附置饒樂都督府

會南燕王德遣侍郎李

延詣寶言涉珪西上

西上謂自中山取恒嶺而西歸雲代也上時掌翻

中國空

虛延追寶及之寶大喜即日引還辛酉魏王珪發中

山徙山東六州吏民雜夷十餘萬口以寶代

此漢高帝徙關東豪

傑以實關博陵勃海章武羣盜竝起

漢時章武城屬渤海平舒縣界晉武

帝泰始元年置章武國後為郡隋廢屬瀛州入平舒縣

略陽公遵等討平之廣川

太守賀賴盧性豪健

廣川縣前漢屬信都國後漢屬清河郡晉屬勃海郡後分為廣川郡

守式又翻

恥居冀州刺史王輔之下襲輔殺之驅勒守兵掠

陽平頓丘諸郡南渡河犇南燕南燕王德以賴盧為并

州刺史封廣甯王西秦王乾歸遣乞伏益州攻涼支

陽鷁武允吾三城克之

支陽允吾皆漢古縣屬金城郡鷁武城當在二縣之間張寔分

支陽屬廣武郡允吾蓋仍為金城郡治所劉昫曰唐蘭州廣武縣漢枝陽縣鄯州龍支縣漢允吾縣允吾音鉉

牙虜萬餘人而去 燕主寶還龍城宮詔諸軍就頓

者頓

軍行頓舍之地

不聽罷散文武將士皆以家屬隨駕

駕謂車駕猶漢人言

乘輿也

遼西王農長樂王盛切諫

樂音洛

以為兵疲力弱魏

新得志未可與敵宜且養兵觀釁寶將從之撫軍將軍

慕輿騰曰百姓可與樂成難與圖始

用商鞅語意樂音洛

今師衆

已集宜獨決聖心乘機進取不宜廣采異同以沮大計

沮在呂翻

寶乃曰吾計決矣敢諫者斬二月乙亥寶出就頓

留盛統後事已卯燕軍發龍城慕輿騰為前軍司空農

為中軍寶為後軍相去各一頓

觀下文連營百里蓋三十里為一頓

連營

百里壬午寶至乙連長上段速骨宋赤眉等因衆心之

憚征役遂作亂

凡衛兵皆更番迭上長上者不番代也唐官制懷化執戰長上歸德執戰長上

皆武散階九品長上之官尚矣上時掌翻

速骨等皆高陽王隆舊隊共逼隆

子高陽王崇為主殺樂浪威王宙中牟熙公段誼及宗

室諸王

樂浪音洛琅

河間王熙素與崇善崇擁佑之故獨得

免燕主寶將十餘騎犇司空農營農將出迎左右抱其

腰止之曰宜小清澄

言衆方亂如水之濁濁宜少俟其定如水之清澄不可輕出也

不

可便出農引刀將斫之遂出見寶又馳信追慕輿騰癸

未寶農引兵還趣大營

大營謂寶營也

討速骨等農營兵亦厭

征役皆棄仗走

以佚道使民雖勞不怨以生道殺民雖死不怨殺者遠是鮮有不敗者也騰

營亦潰寶農犇還龍城長樂王盛聞亂引兵出迎寶農

僅而得免

會稽王道子忌王殷之逼

會工外翻

以譙王尚

之及弟休之有才略引為腹心尚之說道子曰今方鎮

彊盛宰相權輕宜密樹腹心於外以自藩衛道子從之

以其司馬王愉為江州刺史都督江州及豫州之四郡

軍事用為形援日夜與尚之謀議以伺四方之隙

為庾楷說

王殷復舉兵張本說輸芮翻伺相吏翻

魏王珪如繁時宮

繁時縣屬鴈門郡魏築宮

於此天平初置繁時郡隋復為縣唐屬代州時音止

給新徙民田及牛珪畋於白

登山

鄜道元曰今平城東十七里有臺即白登山臺南對岡阜即白登山

見熊將數子

師古

曰將謂率領也讀如字

謂冠軍將軍于栗磾曰

冠古玩翻磾丁奚翻

卿名勇

健能搏此乎對曰獸賤人貴若搏而不勝豈不虛斃一

壯士乎乃驅至珪前盡射而獲之

射而亦翻

珪顧謝之秀容

川酋長爾朱羽健從珪攻晉陽中山有功拜散騎常侍

環其所居割地三百里以封之

此北秀容也為爾朱榮亂魏張本爾朱榮傳云

羽健之先世為部落酋帥居爾朱川因氏焉珪初以南

秀容川原衍沃欲令居之羽健曰家世奉國給侍左右

北秀容既在剡內差近京師宣以沃墦更遷遠地珪許

之則北秀容蓋近平城也環音宦酋意由翻長知兩翻

散悉重翻騎柔然數侵魏邊

角數所尚書中兵郎李先請

奇寄翻下同擊之珪從之大破柔然而還

還從宣翻楊軌以其司

馬郭緯為西平相帥步騎二萬北赴郭磨禿髮烏孤遣

其弟車騎將軍倂檀帥騎一萬助軌

緯于李翻相息亮

翻帥讀曰率磨奴

昆翻倂軌至姑臧營于城北

奴沃翻燕尚書頓立王蘭汗陰

與段速骨等通謀引兵營龍城之東城中留守兵至少

汗音寒少

詩沼翻 長樂王盛徙內近城之民得丁夫萬餘乘城

以禦之速骨等同謀纔百餘人餘皆為所驅脅莫有鬪

志三月甲午速骨等將攻城遼西桓烈王農恐不能守

且為蘭汗所誘夜潛出赴之冀以自全

農號為有智略乃欲投段速骨

以自全不知適以速

死殆天奪之鑒也 明旦速骨等攻城城上拒戰甚力

速骨之衆死者以百數速骨乃將農循城

將如字引也挾也

農

素有忠節威名城中之衆恃以為彊忽見在城下無不

驚愕喪氣

喪息浪翻

遂皆逃潰速骨入城縱兵殺掠死者狼

籍寶盛與慕輿騰餘崇張真李旱趙恩等輕騎南走速

骨幽農於殿內長上阿交羅速骨之謀主也

騎奇寄翻上時掌翻

以高陽王崇幼弱更欲立農崇親信駸讓出力捷等聞

之

駸祖紅翻春秋左氏傳有駸茂晉有駸庚姓譜駸姓古駸夷氏之後捷居言翻

丁酉殺羅及

農

使速骨果立農亦必同死於蘭汗之手蓋事勢已去智無所施也

速骨即為之誅讓

等

偽為子翻

農故吏左衛將軍宇文拔亡犇遼西庚子蘭汗

襲擊速骨并其黨盡殺之廢崇奉太子策承制大赦遣

使迎寶及於薊城

使疏吏翻
薊音計

寶欲還長樂王盛等皆曰

汗之忠詐未可知今單騎赴之萬一汗有異志悔之無

及不如南就范陽王合衆以取冀州若其不捷收南方

之衆徐歸龍都亦未晚也寶從之

龍城燕故都故謂之
龍都慕容盛智慮逾

其父

離石胡帥呼延鐵西河胡帥張崇等不樂徙代

達矣

帥所類翻

聚衆叛魏魏安遠將軍庾岳討平之魏王

樂音洛

珪召衛王儀入輔以略陽公遵代鎮中山夏四月壬戌

以征虜將軍穆崇為太尉安南將軍長孫嵩為司徒

燕主寶從間道過鄴

間古
覓翻

鄴人請留寶不許南至黎陽

伏於河西

河水自遮害亭屈而東北流過黎陽縣南河之西岸為黎陽界東岸為滑臺界

遣中

黃門令趙思告北地王鍾曰上以二月得丞相表

寶以
德為

司徒故稱
之為丞相

即時南征至乙連會長上作亂失據來此

主人

所據者勢也眾叛親離
大勢已去失所據矣

王亟白丞相奉迎鍾德之從弟

也首勸德稱尊號聞而惡之執思付獄

從才用翻
惡烏路翻

以狀

白南燕王德德謂羣下曰卿等以社稷大計勸吾攝政

吾亦以嗣帝播越

播通也遷也
越遠也走也

民神乏主故權順羣議

以繫衆心今天方悔禍嗣帝得還吾將具法駕奉迎謝

罪行闕何如

天子行幸所至有行宮前闕門謂之行闕

黃門侍郎張華曰

今天下大亂非雄才無以寧濟羣生嗣帝闇懦不能紹

隆先統陛下若蹈匹夫之節捨天授之業威權一去身

首不保況社稷其得血食乎慕輿護曰嗣帝不達時宜

委棄國都

寶棄中山見上卷上年

自取敗亡不堪多難

難乃旦翻

亦已

明矣昔蒯瞶出犇衛輒不納春秋是之

蒯苦怪翻瞶五怪翻

以子

拒父猶可況以父拒子乎

德於寶為叔父

今趙思之言未明虛

實臣請為陛下馳往訶之

為于偽翻訶火迴翻又

德流

涕遣之

流涕遣護將使之殺寶也

護帥壯士數百人

帥讀曰率下同

隨思而

北聲言迎衛其實圖之寶既遣思詣鍾於後得樵者言

德已稱制懼而北走護至無所見執思以還

還從宣翻又如字

德以思練習典故欲留而用之思曰犬馬猶知戀主思

雖刑臣乞還就上

宦者謂之刑臣上謂寶也

德固留之思怒曰周室

東遷晉鄭是依

周平王東遷洛邑晉文侯鄭武公實定王室故周桓公曰我周之東遷晉鄭焉依

殿下親則叔父位為上公不能帥先羣后以匡帝室而

幸本根之傾為趙王倫之事

事見八十九卷惠帝永寧元年言趙王倫以宗室而

篡晉德所為類之倫於惠帝叔祖也德於寶叔父也帥讀曰率

思雖不能如申包胥之

存楚

吳破楚入郢申包胥乞師於秦遂破吳師楚昭王復國

猶慕龔君賓不偷生

於莽世也

龔勝字君賓事見三十卷王莽始建國三年

德斬之寶遣扶風忠

公慕輿騰與長樂王盛收兵冀州盛以騰素暴橫為民

所怨乃殺之行至鉅鹿長樂說諸豪傑

橫戶孟翻樂音洛說翰芮翻

皆願起兵奉寶寶以蘭汗祀燕宗廟所為似順意欲還

龍城不肯留冀州乃北行至建安

建安城在令支之北乙連之南

抵民

張曹家曹素武健請為寶合衆

為于偽翻

盛亦勸寶宜且駐

留察汗情狀寶乃遣冗從僕射李旱先往見汗

冗而隴翻從才

用翻寶留頓石城

石城縣前漢屬右北平郡後漢晉省縣屬建德郡隋唐併入營州柳城縣界宋

白曰石城縣取碣石立如城以名之

會汗遣左將軍蘇超奉迎陳汗忠款

寶以汗燕王垂之舅盛之妃父也謂必無他不待旱返

遂行盛流涕固諫寶不聽留盛在後盛與將軍張真下

道避匿丁亥寶至索莫汗陁

索音各翻汗音寒陁音刑

去龍城四十

里城中皆喜汗惶怖欲自出請罪

怖普布翻

兄弟共諫止之

汗乃遣弟加難帥五百騎出迎又遣兄提閉門止仗禁人出入城中皆知其將為變而無如之何加難見寶於陞北拜謁已

已者拜謁之禮畢

從寶俱進潁陰烈公餘崇密言

於寶曰觀加難形色禍變甚逼宜留三思奈何徑前寶不從行數里加難先執崇崇大呼罵曰汝家幸緣肺附

呼火故翻師古曰肺附謂親戚也舊解云肺附如肺腑之相附著一說肺斫木札也喻其輕薄附著大材也

蒙國寵榮覆宗不足以報今乃敢謀篡逆此天地所不容計旦暮即屠滅但恨我不得手膾汝曹耳

膾細切肉也

加

難殺之引寶入龍城外邸弑之

十四年

汗謚寶曰靈帝殺

獻哀太子策及王公卿士百餘人自稱大都督大將軍

大單于昌黎王

單音蟬

改元青龍以堤為太尉加難為車

騎將軍封河間王熙為遼東公如杞宋故事

周武王封夏之後於

杞殷之後於宋

長樂王盛聞之馳欲赴哀張真止之盛曰我今

以窮歸汗汗性愚淺必念婚姻不忍殺我旬月之間足

以展吾情志遂往見汗汗妻乙氏及盛妃皆泣涕請盛

於汗盛妃復頓顙於諸兄弟

復扶又翻

汗惻然哀之乃舍盛

於宮中以為侍中左光祿大夫親待如舊堤加難屢請

殺盛汗不從堤驕狠荒淫

狠戶懇翻

事汗多無禮盛因而問

之

間古蒐翻

由是汗兄弟浸相嫌忌

為盛誅汗張本

涼太原公纂

將兵擊楊軌郭磨救之纂敗還

段業使沮渠蒙遜攻

西郡

郡在武威西據嶺之要蒙遜得之故晉昌敦煌皆降沮子余翻

執太守呂純以歸

純光之弟子也於是晉昌太守王德敦煌太守趙郡孟

敏皆以郡降業

敦徒門翻降戶江翻

業封蒙遜為臨池侯以德為

酒泉太守敏為沙州刺史

六月丙子魏王珪命羣臣

議國號皆曰周秦以前皆自諸侯升為天子因以其國

為天下號漢氏以來皆無尺土之資我國家百世相承

開基代北遂撫有方夏

據孔安國尚書註方夏謂四方中夏夏戶雅翻

今宜以

代為號黃門侍郎崔宏曰昔商人不常厥居故兩稱殷

商

契始封於商皇甫謐曰今上洛商是也契孫相土居商丘自契至于成湯八遷湯始居亳從先王居後仲

丁遷於囂河亶甲居相祖乙居耿書曰盤庚五遷將治亳殷從先王居謂從帝嚳所居居亳也

代雖舊

邦其命維新登國之初已更曰魏

事見一百六卷孝武太元十年更工衡翻

夫魏者大名神州之上國也

左傳卜偃曰魏大名也戰國之時魏為大國中國謂

州之神

宜稱魏如故珪從之 楊軌自恃其衆欲與涼王

光決戰郭磨每以天道抑止之

言天道未利也郭磨善數故如此磨奴昆翻

涼常山公弘鎮張掖段業使沮渠男成及王德攻之光

使太原公纂將兵迎之

將即亮翻

楊軌曰呂弘精兵一萬若

與光合則姑臧益彊不可取矣乃與秃髮利鹿孤共邀

擊纂纂與戰大破之軌奔王乞基

王乞基田胡也

磨性褊急殘

忍不為士民所附

編補典翻

聞軌敗走降西秦

降戶江翻

西秦王

乾歸以為建忠將軍散騎常侍

散悉鹽翻騎奇寄翻

弘引兵棄張

掖東走段業徙治張掖

治直之翻

將追擊弘沮渠蒙遜諫曰

歸師勿遏窮寇勿追

孫子之言

此兵家之戒也業不從大敗

而還

還從宣翻

賴蒙遜以免業城西安以其將臧莫孩為太

守

業置西安郡於張掖東境孩河開翻

蒙遜曰莫孩勇而無謀知進不知

退此乃為之築冢非築城也

為于偽翻冢知隴翻

業不從莫孩尋

為呂纂所破

燕太原王竒楷之子蘭汗之外孫也汗

亦不殺以為征南將軍得入見長樂王盛盛潛使竒逃

出起兵竒起兵於建安衆至數千汗遣蘭堤討之盛謂

汗曰善駒小兒未能辨此

善駒奇小字也

豈非有假託其名而

為內應者乎太尉素驕難信不宜委以大衆

汗以提為太尉故稱

之

汗然之罷堤兵

蘇軾有言木必先蠹然後蟲生之人必先疑然後譏入之蘭汗凶逆兄弟

自相嫌忌故慕容盛得間之以奮其智報君父之讎

更遣撫軍將軍仇尼慕將兵

討奇

更工衡翻

於是龍城自夏不雨至于秋七月汗日詣燕

諸廟及寶神座頓首禱請委罪于蘭加難

言弑寶者加難之罪

堤

及加難聞之怒且懼誅乙巳相與率所部襲仇尼慕軍

敗之

敗補邁翻

汗大懼遣太子穆將兵討之

將即亮翻

穆謂汗曰

慕容盛我之仇讎必與竒相表裏此乃腹心之疾不可
養也宜先除之汗欲殺盛先引見察之盛妃知之密以
告盛盛稱疾不出

蘭妃之為異於雍姬雖曰婦人內夫
家而外父母家若蘭妃者處夫妻父

子之變得其一
而失其一者也

汗亦止不殺李旱衛雙劉忠張豪張真

皆盛素所厚也而穆引以為腹心旱雙得出入至盛所
潛與盛結謀丁未穆擊堤加難等破之庚戌饗將士汗
穆皆醉盛夜如廁因踰垣入于東宮與旱等共殺穆時
軍未解嚴皆聚在穆舍聞盛得出呼躍爭先攻汗斬之

汗子魯公和陳公揚分屯令支白狼

令音鈴又郎定翻支音祁

盛遣

旱真襲誅之堤加難亡匿捕得斬之於是內外帖然士

女相慶宇文拔率壯士數百來赴

宇文拔自遼西來也

盛拜拔為

太宗正辛亥告于太廟令曰賴五祖之休

五祖謂慕容涉歸廆訖烏

垂凡五廟

文武之力宗廟社稷幽而復顯不獨孤以眇眇之

身免不同天之責

禮記曰父之讎不與共戴天

凡在臣民皆得明目

當世因大赦改元建平盛謙不敢稱尊號以長樂王攝

行統制

盛字道運寶之庶長子也樂音洛

諸王皆降稱公以東陽公根

為尚書左僕射衛倫陽璆魯恭王滕為尚書

璆渠尤翻

悅真

為侍中陽哲為中書監張通為中領軍自餘文武各復

舊位改謚寶曰惠閔皇帝廟號烈宗初太原王奇舉兵

建安南北之人翕然從之

南人謂自中原來者北人則鮮卑也

蘭汗遣其

兄子全討奇奇擊滅之匹馬不返進屯乙連盛既誅汗

命奇罷兵奇用丁零嚴生烏桓王龍之謀遂不受命甲

寅勒兵三萬餘人進至橫溝去龍城十里盛出擊大破

之執奇而還斬其黨與百餘人賜奇死桓王之嗣遂絕

慕容恪封太原王謚曰桓楚莊王滅若教氏而赦歲尹克黃曰子文無後何以勸善以慕容恪之輔成燕業而

可使之絕祀乎羣臣固請上尊號上時盛弗許魏王珪遷都

平城始營宮室建宗廟立社稷宗廟歲五祭用分至及

臘魏都平城置代尹及司州於平城杜佑曰後魏都平城今雲中郡治雲中縣是今馬邑郡北平城即今郡

隋為雲內縣恒安鎮此所謂宗廟即代都之東廟也桓玄求為廣州會稽王道

子忌玄會工外翻不欲使居荊州因其所欲以玄為督交廣

二州軍事廣州刺史玄受命而不行豫州刺史庾楷以

道子割其四郡使王愉督之上疏言江州內地江州治尋陽在

江南故
云內地

而西府北帶寇戎

晉以京口為北府歷陽為西府豫州治歷陽在江西故云北帶

寇戎不應使愉分督朝廷不許楷怒遣其子鴻說王恭曰

尚之兄弟

謂譙王尚之及弟休之也說翰芮翻下同

復秉機權

復扶又翻下同

過於

國寶欲假朝威削弱方鎮

朝直遙翻

懲艾前事為禍不測

倪艾

祭翻

今及其謀議未成宜早圖之恭以為然以告殷仲堪

桓玄仲堪玄許之推恭為盟主刻期同趣京師

趣七喻翻

時

內外疑阻津邏嚴急

邏即佐翻巡也津邏者凡江津之要皆置邏卒

仲堪以斜

絹為書內箭箝中

箝古旱翻字林曰箭箝也

合鎔漆之

鎔箭鏃也

因庾楷

以送恭恭發書絹文角戾不復能辨仲堪手書

戾曲也
乖也斜

絹無邊幅經緯不相持故斜角乖曲

疑楷詐為之且謂仲堪去年已違期

不赴

事見上卷

今必不動乃先期舉兵

先悉薦翻

司馬劉牢之諫

曰將軍國之元舅會稽王天子叔父也會稽王又當國

秉政鄉為將軍戮其所愛王國寶王緒又送王獻書

事見

上卷為于偽翻

其深伏將軍已多矣頃所授任雖未允愜亦非

大失割庾楷四郡以配王愉於將軍何損晉陽之甲豈

可數興乎

數所角翻

恭不從上表請討王愉司馬尚之兄弟

道子使人說楷曰昔我與卿恩如骨肉

楷先黨於王國寶道子亦親之

帳中之飲結帶之言可謂親矣

此必太元二十一年庾楷赴難時事

卿今

棄舊交結新援忘王恭疇昔陵侮之恥乎

王恭以元舅之親風神簡

貴志氣方嚴視庾楷蔑如也故道子以為陵侮楷

若欲委體而臣之使恭得志

必以卿為反覆之人安肯深相親信首身且不可保况

富貴乎楷怒曰王恭昔赴山陵相王憂懼無計我知事

急尋勒兵而至恭不敢發

事見一百八卷孝武太元二十一年

去年之事

我亦俟命而動我事相王無相負者相王不能拒恭反

殺國寶及緒自爾以來

自爾以來猶今言自那時以來也又爾言如此也

誰敢

復為相王盡力者

復扶又翻為于偽翻

庾楷實不能以百口助人

屠滅時楷已應恭檄正徵士馬信返朝廷憂懼內外戒

嚴會稽世子元顯言於道子曰前不討王恭故有今日

之難今若復從其欲

難乃旦翻復扶又翻

則太宰之禍至矣

道子時為

太宰道子不知所為悉以事委元顯日飲醇酒而已元顯

聰警頗涉文義志氣果銳以安危為已任附會之者謂

元顯神武有明帝之風殷仲堪聞恭舉兵自以去歲後

期乃勒兵趣發

趣讀日促

仲堪素不習為將

將即亮翻

悉以軍事

委南郡相楊佺期兄弟

相息亮翻

使佺期帥舟師五千為前

鋒桓玄次之仲堪帥兵二萬相繼而下

帥讀日率

佺期自以

其先漢太尉震至父亮九世皆以才德著名矜其門地

謂江左莫及有以比王珣者佺期猶恚恨而時流以其

晚過江婚宦失類

佺期曾祖準晉太常自震至準七世有名德祖林少有才望值亂沒胡父

亮少仕偽朝後歸晉比王謝諸家為晚亮及佺期皆以武力為官又與僞荒為婚故云失類時流猶言時輩也

恚於避翻

佺期及兄廣弟思平從弟攷敬皆麤獷

從才用翻獷古猛翻

獷獷不
可附

每排抑之俟期常慷慨切齒欲因事際以逞其

志故亦贊成仲堪之謀八月俟期玄奄至湓口

湓口湓浦口也

晉人於此築城置戍今其地在

王愉無備惶遽奔臨川

江州德化縣西一里湓蒲奔翻

吳孫亮太平二年分豫章東部

玄遣偏軍追獲之燕

都尉立臨川郡隋唐為撫州

以河間公熙為侍中車騎大將軍中領軍司隸校尉城

陽公元為衛將軍元寶之子也又以劉忠為左將軍張

豪為後將軍竝賜姓慕容氏李旱為中常侍輔國將軍

衛雙為前將軍張順為鎮西將軍昌黎尹張真為右將

軍

燕都龍城以昌黎太守為昌黎尹

皆封公

乙亥燕步兵校尉馬勒

等謀反伏誅事連驃騎將軍高陽公崇崇弟東平公澄

皆賜死

驃匹妙翻騎奇寄翻

寧朔將軍鄧啓方南陽太守閭丘

羨將兵二萬擊南燕

燕自慕容寶之敗北歸龍城慕容德稱號於滑臺故稱南燕以別之

與南燕中軍將軍法撫軍將軍和戰於管城

魏叔志榮陽郡京縣

有管城故管叔邑也杜預曰在京縣東北

啓方等兵敗單騎走免

魏王珪

命有司正封畿

宋白曰魏道武都平城東至上谷軍都關西至河南至中山隘門塞北至五原

地方千里

標道里平權衡審度量遣使循行郡國

使疏吏翻

行下
孟翻

舉奏守宰不法者親考察黜陟之

九月辛卯加

會稽王道子黃鉞以世子元顯為征討都督遣衛將軍

王珣右將軍謝琰將兵討王恭譙王尚之將兵討庾楷

乙未燕以東陽公根為尚書令張通為左僕射衛倫

為右僕射慕容豪為幽州刺史鎮肥如 己亥譙王尚

之大破庾楷於牛渚楷單騎奔桓玄

為後玄殺
楷張本

會稽王

道子以尚之為豫州刺史弟恢之為驃騎司馬丹陽尹

允之為吳國內史休之為襄城太守

元帝渡江以丹陽
春穀縣置襄城郡

各擁兵馬以為已援乙巳桓玄大破官軍於白石

白石在巢

縣界水經註柵江水導源巢湖東左會清溪水謂之清溪口柵水又東左會白石山水水發白石山西逕李鵲城南西南

注柵水

玄與楊佺期進至橫江尚之退走恢之所領

水軍皆沒丙午道子屯中堂元顯守石頭巳酉王珣守

北郊謝琰屯宣陽門以備之

宣陽門建康城南面西頭第一門

王恭素

以才地陵物既殺王國寶自謂威無不行仗劉牢之為

爪牙而但以部曲將遇之

將即亮翻

牢之負其才深懷恥恨

元顯知之遣廬江太守高素說牢之

高素亦北府將故使說之說翰芮翻

下可說同使叛恭許事成即以恭位號授之又以道子書遺

牢之為陳禍福

遺于季翻為于偽翻

牢之謂其子敬宣曰王恭昔

受先帝大恩今為帝舅不能翼戴王室數舉兵向京師

數所角翻

吾不能審恭之志事捷之日必能為天子相王之

下乎

相王謂道子也

吾欲奉國威靈以順討逆何如敬宣曰朝

廷雖無成康之美亦無幽厲之惡而恭恃其兵威暴蔑

王室

蔑之者視之若無也

大人親非骨肉義非君臣雖共事少時

意好不協

少時言不多時也少詩沿翻好呼到翻

今日討之於情義何有

恭參軍何澹之知其謀以告恭

澹徒覽翻

恭以澹之素與牢

之有隙不信乃置酒請牢之於衆中拜之為兄精兵堅

甲悉以配之

王恭素以部曲將遇牢之及聞何澹之言則拜之為兄此豈能得其死力邪適足以

速其背已耳

使帥帳下督顏延為前鋒

帥讀曰率

牢之至竹里斬

延以降

降戶江翻

遣敬宣及其壻東莞太守高雅之還襲恭

東莞漢舊縣武帝泰始元年分瑯邪立東莞郡南渡後又置南東莞郡於晉陵界莞音官

恭方出城

曜兵敬宣縱騎橫擊之

騎奇寄翻下同

恭兵皆潰恭將入城雅

之已閉城門恭單騎奔曲阿素不習馬髀中生瘡曲阿

人殷確恭故吏也以船載恭將奔桓玄至長塘湖

長塘湖在

晉陵延陵縣杜佑曰在潤州金壇縣風土記陽羨縣有洮湖別名長塘湖洮余招翻單鏐曰長塘湖在義興西

為人所告獲之送京師斬於倪塘

倪塘在建康東北方山隸南倪氏築塘因

以為

恭臨刑猶理須鬢神色自若

須與

謂監刑者曰我

闇於信人所以至此

自悔悉以軍事委劉牢之也監工銜翻

原其本心豈

不忠於社稷邪但令百世之下知有王恭耳并其子弟

黨與皆死以劉牢之為都督充青冀幽并徐揚州晉陵

諸軍事以代恭俄而楊佺期桓玄至石頭殷仲堪至蕪

湖元顯自竹里馳還京師遣丹陽尹王愷等發京邑士

民數萬人據石頭以拒之佺期玄等上表理王恭求誅

劉牢之牢之帥北府之衆馳赴京師軍于新亭

帥讀曰率

佺

期玄見之失色回軍蔡洲

蔡洲在今建康府上元縣西二十五里

朝廷未

知西軍虛實仲堪等擁衆數萬充斥郊畿內外憂逼

言內

憂而外逼也左衛將軍桓脩冲之子也言於道子曰西軍可

說而解也

說輸芮翻

脩知其情矣殷桓之下專恃王恭恭既

破滅西軍沮恐

沮恐言氣沮而心恐也沮在呂翻

今若以重利啗玄及

佺期

啗徒覽
翻餌也

二人必內喜玄能制仲堪佺期可使倒戈

取仲堪矣道子納之以玄為江州刺史召郗恢為尚書

以佺期代恢為都督梁雍秦三州諸軍事雍州刺史以

脩為荊州刺史權領左衛文武之鎮

左衛文武左衛將軍府之僚屬及部

曲也之往也郗丑
之翻雍於用翻

又令劉牢之以千人送之黜仲堪為

廣州刺史遣仲堪叔父太常茂宣詔敕仲堪回軍張

驤子超收合三千餘家據南皮自號烏桓王抄掠諸郡

張驤烏桓種也奉燕見一百五卷孝武帝太元九年歸魏見上卷元年驤思將翻抄楚交翻

魏王珪

命庾岳討之

楊軌屯蕪川收集夷夏衆至萬餘

夏戶雅翻

王乞基謂軌曰禿髮氏才高而兵盛且乞基之主也不

如歸之軌乃遣使降于西平王烏孤

降戶江翻

軌尋為羌酋

梁飢所敗

酋慈由翻敗補邁翻

西犇儂海

闕駟曰金城臨羌縣西有卑和羌海鄯道元曰

古西零之地也儂音憐

襲乙弗鮮卑而據其地烏孤謂羣臣曰楊

軌王乞基歸誠於我卿等不速救使為羌人所覆孤甚

愧之平西將軍渾屯曰

渾古有是姓左傳鄭有渾罕衛有渾良夫吐谷渾氏後改為渾

姓渾戶昆翻

梁飢無經遠大略可一戰擒也飢進攻西平西

平人田玄明執太守郭倖而代之，以拒飢遣子為質於

烏孤

質音致

烏孤欲救之，羣臣憚飢，兵彊多以為疑。左司

馬趙振曰：楊軌新敗，呂氏方彊，洪池以北未可冀也。

洪池

嶺名在涼州姑臧之南，唐涼州有洪池府。

嶺南五郡庶幾可取。

嶺南謂洪池、嶺南也。五郡

謂廣武、西平、樂都、洮河、湟河也。幾居希翻。

大王若無開拓之志，振不敢言。若

欲經營四方，此機不可失也。使羌得西平，華夷震動，非

我之利也。烏孤喜曰：吾亦欲乘時立功，安能坐守窮谷

乎？

魚川在塞外，故謂之窮谷。

乃謂羣臣曰：梁飢，若得西平，保據山河

不可復制

西平據湟河之要有大小榆谷之饒故云然復扶又翻下同

飢雖驍猛

驍堅

充軍令不整易破也

易以

遂進擊飢大破之飢退屯龍

支堡

唐鄯州有龍支縣劉昫曰龍支漢允吾縣地此時當為西平界

烏孤進攻拔之飢

單騎奔澆河

澆河吐谷渾之地呂光開以為郡隋唐之廓州即其地也澆堅克翻水洄洑曰澆此

郡蓋置於洮河洄曲處杜佑曰澆河城在廓州達化縣賀蘭山劉昫曰廓州隋澆河郡治廣威縣即後漢燒當

羌之地前涼置湟河郡後魏置石城郡廢帝因縣內化隆谷置化隆縣後周置廓州唐天寶元年改為廣威縣

管下有達化縣吐渾澆河城在縣西百二十里杜佑曰澆河城吐谷渾阿豺所築

俘斬數萬以

田玄明為西平內史樂都太守田瑤

樂都註已見二十六卷漢宣帝神爵

元年五代志西平郡湟水縣後周置樂都郡觀此則呂氏已置郡矣杜佑曰湟水一名樂都水唐鄯州治樂音

洛
湟河太守張稠稠除留翻湟河郡蓋置於此地澆河太守王稚皆以

郡降降戶江翻嶺南羌胡數萬落皆附於烏孤西秦王乾

歸遣秦州牧益州武衛將軍慕元慕元晉書載記作慕容元慕兀蓋亦乞伏

氏載記冠軍將軍翟瑄帥騎二萬伐吐谷渾冠古玩翻誤也

冬十月癸酉燕羣臣復上尊號復扶又翻丙子長樂

王盛始即皇帝位樂音洛大赦尊皇后段氏曰皇太后太

妃丁氏曰獻莊皇后初蘭汗之當國也盛從燕主寶出

亡蘭妃奉事丁后愈謹及汗誅盛以妃當從坐欲殺之

丁后以妃有保全之功固爭之得免然終不為后 大

赦

殷仲堪得詔書大怒

得黜廣州之詔書也

趣桓玄楊佺期進

軍

趣讀曰促

玄等喜於朝命

朝直遙翻下同

欲受之猶豫未決仲堪

聞之遽自蕪湖南歸遣使告諭蔡洲軍士曰汝輩不各

自散歸吾至江陵盡誅汝餘口

使疏吏翻餘口謂蔡洲之軍所餘家口留在江

陵者

佺期部將劉系帥二千人先歸

帥讀曰率

玄等大懼狼狽

西還

還從宣翻又如字

追仲堪至尋陽及之仲堪既失職倚玄

等爲援玄等亦資仲堪兵雖內相疑阻勢不得不合乃

以子弟交質

質音致

壬午盟於尋陽俱不受朝命連名上

疏申理王恭求誅劉牢之及譙王尚之并訴仲堪無罪

獨被降黜

被皮義翻

朝廷深憚之內外騷然乃復罷桓脩

復扶

又翻以荊州還仲堪優詔慰諭以求和解仲堪等乃受詔

御史中丞江績劾奏桓脩專為身計疑誤朝廷

謂分江雍以授

桓玄楊佺期自取荊州也劾戶梁翻又戶得翻

詔免脩官初桓玄在荊州所為

豪縱仲堪親黨皆勸仲堪殺之仲堪不聽及在尋陽資

其聲地

聲謂威聲地謂門地

推玄為盟主玄愈自矜倨楊佺期為

人驕悍

悍侯肝翻又下罕翻

玄每以寒士裁之佺期甚恨密說仲

堪以玄終為患請於壇所襲之

說翰為翻

仲堪忌佺期兄弟

勇健恐既殺玄不可復制

復扶又翻

苦禁之於是各還所鎮

玄亦知佺期之謀陰有取佺期之志

為後玄殺殷楊張本

乃屯於

夏口引始安太守濟陰卞範之為長史以為謀主

吳孫皓甘

露元年分零陵南部都尉立始安郡屬廣州晉成帝

是

度屬荊州隋唐為桂州之地夏戶雅翻濟子禮翻

時詔書獨不赦庾楷玄以楷為武昌太守初郝恢為朝

廷拒西軍

為于偽翻

玄未得江州欲奪恢雍州

雍於用翻

以恢為

廣州恢聞之懼詢於眾眾皆曰楊佺期來者誰不勸力

若桓玄來恐難與為敵

桓氏世居西楚故眾畏之

既而聞佺期代已

乃與閭丘羨謀阻兵拒之

閭丘羨時為南陽太守雍之部屬也

佺期聞之

聲言玄來入沔

沔彌充翻

以佺期為前驅恢眾信之望風皆

潰恢請降

降戶江翻

佺期入府斬閭丘羨放恢還都至楊口

殷仲堪陰使人殺之及其四子託言羣蠻所殺西秦

乞伏蓋州與吐谷渾王視羆戰於度周川

度周川在臨洮塞外龍涸

之西吐從瞰
入聲谷音浴
視羆大敗走保白蘭山遣子宕豈為質於

西秦以請和
宕徒浪翻
質音致
西秦王乾歸以宗女妻之
妻子
細翻

涼建武將軍李鸞以興城降於禿髮烏孤
興城在允
吾縣西南

龍支堡
之東
十一月以琅邪王德文為衛將軍開府儀同

三司征虜將軍元顯為中領軍領軍將軍王雅為尚書

左僕射
辛亥魏王珪命尚書吏部郎鄧淵立官制協

音律儀曹郎清河董謐制禮儀三公郎王德定律令
吏部

儀曹三公郎
皆曹魏所置
太史令鼂崇考天象
鼂直
遙翻
吏部尚書崔宏

總而裁之以為永式淵羌之孫也

鄧羌苻秦之名將

楊軌王

乞基帥戶數千自歸於西平王烏孤

帥讀曰率下同

十二月

己丑魏王珪即皇帝位大赦改元天興命朝野皆束髮

加帽

朝直遙翻下同說文曰帽小兒蠻夷蒙頭衣晉書與服志曰帽猶冠也義取于蒙覆其首其本纚也

古者冠無幘冠下有纚以繒為之後世施幘於冠因復裁纚為帽自乘輿宴居下至庶人無爵者皆服之江左時野人已着帽人士亦往往而然但其頂圓耳後乃高其屋云纚所爾翻

追尊遠祖毛以下

二十七人皆為皇帝

魏謚毛為成皇帝五世至推寅南遷大澤方千餘里謚宣皇帝七世

至鄰始南出居匈奴故地謚獻皇帝謚六世祖力微曰神帝獻帝之子曰詰汾謚聖武皇帝

元皇帝廟號始祖祖什翼捷曰昭成皇帝廟號高祖父

寔曰獻明皇帝

謚力微曰神元皇帝子沙漠汗曰文皇帝沙漠汗之子弗政曰思皇帝弗政卒

力微之子祿官立謚曰昭皇帝分國為三部猗也猗盧沙漠汗之二子與祿官分統三部猗也西略服屬諸國謚曰桓皇帝猗盧自祿官之卒合三部為一又助晉國以並強謚穆皇帝猗盧死祿官之子鬱律繼之謚平文皇帝鬱律弒猗也之子賀傳立謚惠皇帝賀傳卒弟統那立謚煬皇帝鬱槐者鬱律之子國人逐統那而立之

謚烈

魏之舊俗孟夏祀天及東廟

宗廟在東蓋亦左祖之義

季夏帥

衆却霜於陰山孟秋祀天於西郊至是始依倣古制定

郊廟朝饗禮樂然惟孟夏祀天親行

杜佑曰魏道武天賜二年祀天于西

郊為方壇東為二陸土陸無等周垣四門各依方色為名置木主七於壇上牲用白犢黃駒白羊各一祭之日帝御大駕至郊所立青門內近南西面內朝臣皆位於壇北外朝臣及大人方客咸位於青門外后率六宮自黑門入列於青門內近北竝西面廩犧令掌牲陳於壇前女巫執鼓立於壇東西面帝七族子弟七子執酒在巫南西面北上女巫升壇搖鼓帝拜后肅拜內外百官拜祀訖乃殺牲七執酒七人西向以酒洒天神主復拜如此者三禮畢而退自是歲一祭其餘多有司攝事又用崔宏議自謂

黃帝之後

魏叔曰魏之先出自黃帝黃帝子曰昌意昌

後世為君長統幽都之北廣漠之野黃帝以土以德王北俗謂土為托謂后為跋故以托跋為氏以土德

王徙六州二十二郡守宰豪傑二千家于代都東至代

郡

魏都平城以平城為代都依漢建國之名也漢平城縣本屬鴈門郡而代郡治桑乾後漢徙高柳晉徙平

舒魏收地形志之上谷郡晉之代郡也唐為蔚州之地魏之代郡唐為雲州雲中縣之地西及善無

南極陰館

善無縣漢屬鴈門郡後漢屬定襄郡元魏天平二年置善無郡班志陰館縣屬鴈門郡本

樓煩鄉景帝後三年置陰館縣有累頭山治水所出五代史志代州鴈門縣有累頭山則漢之陰館縣已併入

鴈門縣矣北盡參合皆為畿內其外四方四維置八部帥以

監之

魏書作八部帥八部帥勸課農耕量校收入以為殿最監工銜翻

已亥燕幽州

刺史慕容豪尚書左僕射張通昌黎尹張順坐謀反誅

初琅邪人孫泰學妖術於錢唐杜子恭

妖於驕翻

士民多

奉之王珣惡之

惡鳥路翻

流泰於廣州王稚薦泰於孝武帝

云知養性之方召還累官至新安太守泰知晉祚將終

因王恭之亂以討恭為名收合兵眾聚貨鉅億

億億為鉅億

三吳之人多從之識者皆憂其為亂以中領軍元顯與

之善無敢言者會稽內史謝輜發其謀

輜夷周翻又音酉

己酉

會稽王道子使元顯誘而斬之

會工外翻誘音酉

并其六子兄

子恩逃入海愚民猶以泰蟬蛻不死

蟬解殼曰蛻神仙家有尸解之說言

尸解登仙如蟬之蛻殼也蛻輸芮翻又吐外翻

就海中資給恩恩乃聚合亡命

得百餘人以謀復讎

為後孫恩反張本

西平王禿髮烏孤更

稱武威王

更工衛翻

是歲楊盛遣使附魏魏以盛為仇池

王

使疏吏翻

資治通鑑卷一百一十

欽定四庫全書薈要卷七千九十七

史部

資治通鑑卷一百一十一 宋 司馬光 撰

胡三省 音註

晉紀三十三

起居維大淵獻盡
上章因敦凡二年

安皇帝丙

隆安三年春正月辛酉大赦 戊辰燕昌黎尹留忠謀

反誅事連尚書令東陽公根尚書段成皆坐死遣中衛
將軍衛雙就誅忠弟志於凡城以衛將軍平原公元為

司徒尚書令 庚午魏主珪北巡分命大將軍常山王

遵等三軍從東道出長川

長川在禦夷鎮西北大漠之東垂也下所謂西道中道蓋

絕漠分爲三路

鎮北將軍高涼王樂真等七軍從西道出牛川

珪自將大軍從中道出駁髯水以襲高車

將即亮翻駁北角翻髯而

占翻 壬午燕右將軍張真城門校尉和翰坐謀反誅癸

未燕大赦改元長樂

樂音洛

燕主盛每十日一自決獄不

加拷掠多得其情

拷音考掠音亮史言慕容盛以聰察殺身

武威王烏孤

徙治樂都

治直之翻樂音洛

以其弟西平公利鹿孤鎮安夷

夷安

縣漢屬金城郡
晉分屬西平郡

廣武公傳檀鎮西平

西平治樂都縣唐
鄯州之湟水縣也

得奴
沃翻

叔父素渥鎮湟河若留鎮澆河從弟替引鎮嶺南

嶺南即洪
池嶺之南

洛回鎮廉川從叔吐若留鎮浩亶

從才用翻
浩亶在樂

都之東隋唐併入湟
水縣浩音誥亶音門

夷夏俊傑

夏戶
雅翻

隨才授任內居顯

位外典郡縣咸得其宜烏孤謂羣臣曰隴右河西本數

郡之地

漢時河西置武威張掖酒泉敦煌四郡隴右置隴西金城二郡

遭亂分裂至十餘

國呂氏乞伏氏段氏最彊今欲取之三者何先楊統曰

乞伏氏本吾之部落終當服從

乞伏與禿髮
氏皆鮮卑也

段氏書生

無能為患且結好於我攻之不義

好呼到翻

呂光衰老嗣子

微弱

謂光以子紹為嗣也

纂弘雖有才而內相猜忌若使浩亶庶

川乘虛迭出彼必疲於奔命不過二年兵勞民困則姑

臧可圖也

姑臧呂光所都

姑臧舉則二寇不待攻而服矣烏孤

曰善二月丁亥朔魏軍大破高車三十餘部獲七萬

餘口馬三十餘萬匹牛羊百四十餘萬頭衛王儀別將

三萬騎絕漠千餘里

將即亮翻

破其七部獲二萬餘口馬五

萬餘匹牛羊二萬餘頭高車諸部大震林邑王范達

陷日南九真遂寇交趾太守杜瑗擊破之

瑗于
眷翻

庚戌

魏征虜將軍庾岳破張超於勃海斬之

張超據南皮
見上卷上年

段業即涼王位改元天璽

是為北涼
璽斯氏翻

以沮渠蒙遜為尚

書左丞

沮子
余翻

梁中庸為右丞

魏主珪大獵於牛川之

南以高車人為圍周七百餘里因驅其禽獸南抵平城

使高車築鹿苑廣數十里

廣古
曠翻

三月己未珪還平城甲

子珪分尚書三十六曹及外署凡置三百六十曹令八

部大夫主之

八部大夫恐當作八部大人
魏王珪天興元年置八部大人於皇城四方四維一面

置一人以擬八座謂之八國各有屬官常侍侍詔直左右出入王命

吏部尚書崔宏通署

三十六曹如令僕統事置五經博士增國子太學生員

合三千人珪問博士李先曰天下何物最善可以益人

神智對曰莫若書籍珪曰書籍凡有幾何如何可集對

曰自書契以來世有滋益以至于今不可勝計苟人主

所好何憂不集珪從之命郡縣大索書籍悉送平城

王魏

珪之崇文如此而魏之儒風及平涼州之後始振蓋代北以右武為俗雖其君尚文未能回也嗚呼平涼之後儒風雖振而北人胡服至孝文遷洛之時未盡改也用夏變夷之難如是夫勝音升好呼到翻索音客翻

初秦王登之弟廣帥衆三千依南燕王德德以為冠軍

將軍處之乞活堡

帥讀曰率冠古玩翻乞活堡晉惠帝時諸賊保聚之地處昌呂翻

會

熒惑守東井或言秦當復興

復扶又翻

廣乃自稱秦王擊南

燕北地王鍾破之是時滑臺孤弱

德徙滑臺事見上卷上年

土無十

城衆不過一萬鍾既敗附德者多去德而附廣德乃留

魯陽王和守滑臺自帥衆討廣斬之

帥讀曰率下同

燕主寶之

至黎陽也

事見上卷上年

魯陽王和長史李辯勸和納之和

從辯懼故潛引晉軍至管城

事亦見上卷上年

欲因德出戰而

作亂既而德不出辯愈不自安及德討苻廣辯復勸和

反

復扶又翻下同

和不從辯乃殺和以滑臺降魏

降戶翻

魏行臺

尚書和跋在鄴帥輕騎自鄴赴之

騎奇寄翻

既至辯悔之閉

門拒守跋使尚書郎鄧暉說之

鄧暉魏之鄴臺尚書郎也說輸芮翻

辯乃

開門納跋跋悉收德宮人府庫德遣兵擊跋跋逆擊破

之又破德將桂陽王鎮

將即亮翻

俘獲千餘人陳穎之民多

附于魏

陳穎陳郡穎川也

南燕右衛將軍慕容雲斬李辯帥將

士家屬二萬餘口出滑臺赴德

帥讀曰率

德欲攻滑臺韓範

曰嚮也魏為客吾為主人今也吾為客魏為主人人心

危懼不可復戰

復扶又翻

不如先據一方自立基本乃圖進

取

微韓範之言德若進攻滑臺必至喪敗固不待慕容超之時也

張華曰彭城楚之舊

都

項羽都彭城故云然

可攻而據之北地王鍾等皆勸德攻滑臺

尚書潘聰曰滑臺四通八達之地

滑臺當滑津之要魏自北渡河而南向晉

從清水入河秦汭渭順河而下皆湊於滑臺又其城旁無山陵可依車騎舟師皆可以騁故謂之四通八達之地

北有魏南有晉西有秦居之未嘗一日安也彭城土

曠人稀平夷無險且晉之舊鎮未易可取

易以跋翻

又密邇

江淮夏秋多水乘舟而戰者吳之所長我之所短也青州沃野二千里精兵十餘萬左有負海之饒右有山河之固廣固城曹嶷所築

嶷魚力翻

地形阻峻足為帝王之都

三齊英傑思得明主以立功於世久矣辟閭渾昔為燕

臣

孝武太元十九年辟閭渾為慕容農所破遂臣於燕

今宜遣辯士馳說於前大

兵繼踵於後若其不服取之如拾芥耳

燕弱攻昧取亂侮亡自三代之

時仲虺已有是言夫子定書弗之刪也後人泥古專言王者之師以仁義行之若宋襄公可以為鑒矣說翰芮

翻

既得其地然後閉關養銳伺隙而動此乃陛下之關

中河內也

用荀彧說魏武之言伺相吏翻

德猶豫未決沙門竺朗素善

占候

竺朗之俗姓

德使牙門蘇撫問之朗曰敬覽三策潘尚

書之議興邦之言也且今歲之初彗星起奎婁掃虛危

彗者除舊布新之象奎婁為魯虛危為齊

晉天文志奎婁胃魯徐州

虛危齊青州彗祥歲翻又旋肉翻又徐辭翻

宜先取兗州巡撫琅邪至秋乃

北徇齊地此天道也撫又密問以年世朗以周易筮之

曰燕衰庚戌年則一紀世則及子

其後燕亡於義熙六年歲在上章閏戌上

章庚也閏戌也

撫還報德德乃引師而南兗州北鄙諸郡縣

皆降之

降戶江
翻下同

德置守宰以撫之禁軍士無得虜掠百

姓大悅牛酒屬路

屬之
欲翻

丙子魏主珪遣建義將軍庾

真越騎校尉奚斤擊庫狄宥連侯莫陳三部皆破之

其
後

庫狄侯莫陳二姓皆貴

追奔至大峨谷置戍而還

還從
宣翻

顯而宥連之種微矣

又如

已卯追尊帝所生母陳夫人為德皇太后 夏

四月鮮卑疊掘河內帥戶五千降于西秦西秦王乾歸

以河內為疊掘都統以宗女妻之

疊掘亦鮮卑一種也
河內其名掘其月翻

妻七

甲午燕大赦

會稽王道子有疾

會工
外翻

且無日

不醉世子元顯知朝望去之乃諷朝廷解道子司徒揚

州刺史

朝直遙
翻下同

乙未以元顯為揚州刺史道子醒而後

知之大怒無如之何元顯以廬江太守會稽張灋順為

謀主

會工
外翻

多引樹親黨朝貴皆畏事之

為元顯張灋順
俱被誅張本

燕散騎常侍餘超左將軍高和等坐謀反誅

散悉
翻騎奇

涼太子紹太原公纂將兵伐北涼

河西四郡張掖
在北故號北涼

寄
翻將即
亮翻

北涼王業求救於武威王烏孤烏孤遣驃騎大將

軍利鹿孤及楊軌救之

驃匹
騎奇
奇翻

業將戰沮渠蒙遜諫

曰楊軌恃鮮卑之彊有窺窬之志

秃髮本鮮卑種也沮子余翻

紹纂

深入置兵死地不可敵也今不戰則有泰山之安戰則

有累卵之危業從之案兵不戰紹纂引兵歸六月烏孤

以利鹿孤為涼州牧鎮西平召車騎大將軍俸檀入錄

府國事

俸奴沃翻

會稽世子元顯自以少年不欲頓居重

任

少詩照翻

戊子以琅邪王德文為司徒

魏前河間太守

盧溥帥其部曲數千家就食漁陽遂據有數郡秋七月

己未燕主盛遣使拜溥幽州刺史

為下魏黜張袞龔禽盧溥張本帥讀曰率

使疏
吏翻

辛酉燕主盛下詔曰法例律公侯有罪得以金

帛贖

戰國時魏文侯師李悝撰次諸國法著法經以為王者之政莫急盜賊盜賊須劾捕故著網捕二篇

其輕狡越城博戲假借不廉淫侈踰制以為雜律一篇又以其律具其加減故所著六篇皆罪名之制也漢蕭何條並事律與廩戶三篇合為九篇魏陳羣等采漢律制新律十八篇集罪例為刑名冠於律首盜律有劫略恐獨和賣買人科有持質皆非盜事分以為劫略律賊律有欺謾詐偽踰封矯制因律有詐偽生死令丙有詐自復免事類衆多分為詐律賊律有賊伐樹木殺傷人畜產及諸亡印金布律有毀傷亡失縣官財物分為毀亡律囚律有告劾傳覆廩律有告反逮受科有登聞道辭分為告劾律囚律有繫囚鞠獄斷獄之法興律有上獄之事科有考事報讞宜別為篇分為繫訊斷獄律盜律有受所監受財枉法雜律有假借不廉令乙有呵人

受錢科有使者驗賂其事相類分為請賕律盜律有劾辱強賊興律有擅興徭役具律有出賣科有擅作脩舍事分為興擅律興律有乏徭稽留賊律有儲峙不辦廩律有乏軍乏興及舊典有奉法不謹不承用詔書漢氏施行不宜復以為濫別為之留律秦世舊有廩置乘傳副車食厨後漢但設騎置無車馬而律猶著其文則為虛設故除廩律取其可用合科者為郵驛令告劾律上言變事令以驚事告急與興律烽燧及科令者以為驚事律盜律有還賊甲主金布律有罰贖入責以呈黃金為價科有平庸生賊事以為償賊律律之初制無免坐之文張湯趙禹始作監臨部主見知故縱之例其見知而故不舉劾以贖論其不見不知者不坐科條免坐繁多宜總為免例以省科文故更定以為免坐律晉初賈充定法就漢九章增十一篇改舊律為刑名法例辨因律為告劾繫訊斷獄分盜律為請賕詐偽水火毀亡因事類為衛禁違制撰周官為諸侯律合二十篇孔穎達

曰古之贖罪皆用銅漢始改用黃金但少其斤兩令與金相敵漢及後魏贖罪皆用黃金後魏以金難得合金一兩收絹十匹今律乃復依古贖銅此不足以懲惡而利於王府甚無謂

也自今皆令立功以自贖勿復輸金帛

復扶又翻

西秦丞

相南川宣公出連乞都卒

南川地名宣謚也

秦齊公崇鎮東

將軍楊佛嵩寇洛陽河南太守隴西辛恭靖嬰城固守

雍州刺史楊佺期遣使求救於魏常山王遵

雍於用翻使疏吏翻

下魏主珪以散騎侍郎西河張濟為遵從事中郎以報

之佺期問於濟曰魏之伐中山戎士幾何濟曰四十餘

萬

事見一百八卷孝武太元二十一年

佺期曰以魏之彊小羗不足滅也

且晉之與魏本為一家

謂猗盧救劉琨時也

今既結好

好呼到翻

義無

所隱此間兵弱糧寡洛陽之救恃魏而已若其保全必

有厚報若其不守與其使羗得之不若使魏得之

若楊佺期

者豈可使之扞禦封疆哉

濟還報八月珪遣太尉穆崇將六萬騎往

救之

燕遼西太守李朗在郡十年威行境內

燕遼西郡治令

支恐燕主盛疑之累徵不赴以其家在龍城未敢顯叛

陰召魏兵許以郡降魏

降戶江翻下同

遣使馳詣龍城廣張寇

勢盛曰此必詐也召使者詰問

詰去吉翻

果無事實盛盡滅

朗族丁酉遣輔國將軍李阜討之

初魏奮武將軍張

袞以才謀為魏主珪所信重委以腹心珪問中州士人

於袞袞薦盧溥及崔逞珪皆用之珪圍中山久未下軍

食乏

見一百九卷隆安元年

問計於羣臣逞為御史中丞對曰桑

樞可以佐糧飛鵲食樞而改音詩人所稱也珪雖用其

言聽民以樞當租然以逞為侮慢心銜之

詩翩彼飛鵲集于泮林食

我桑樞懷我好音註云鵲惡聲之鳥也鵲恒惡鳴今食桑樞故改其鳴歸就我以善音珪本北人而入中原故

銜逞以
為侮慢

秦人寇襄陽雍州刺史郝恢以書求救於魏常

山王遵曰賢兄虎步中原珪以恢無君臣之禮命衮及

逞為復書必貶其主衮逞謂帝為貴主珪怒曰命汝貶

之而謂之貴主何如賢兄也逞之降魏也

見一百九卷
隆安元年

以天下方亂恐無復遺種

種章
勇翻

使其妻張氏與四子留

冀州逞獨與幼子蹟詣平城

蹟士
革翻

所留妻子遂奔南燕

珪并以是責逞賜逞死盧溥受燕爵命侵掠魏郡縣殺

魏幽州刺史封沓干珪謂衮所舉皆非其人黜衮為尚

書令史袞乃闔門不通人事惟手校經籍歲餘而終燕
主寶之敗也中書令民部尚書封懿降於魏珪以懿為
給事黃門侍郎都坐大官

魏官有三都大官都坐大官
外都大官內都大官坐徂臥

翻珪問懿以燕氏舊事懿應對疎慢亦坐廢於家

珪蓋
自疑

以為衣冠之
士慢之也

武威王禿髮烏孤醉走馬傷脇而卒遺

令立長君

長知
兩翻

國人立其弟利鹿孤謚烏孤曰武王廟

號烈祖利鹿孤大赦徙治西平南燕王德遣使說幽

州刺史辟閭渾欲下之

晉氏南渡僑立幽冀青并四州
於江北秦園幽州刺史田洛于

三阿是其證也孝武太元之季復取齊地徙幽冀二州于齊是後鎮齊者率領青冀二州刺史渾領幽州刺史蓋自北而南未純為晉臣使領幽州而鎮廣固也說翰音翻渾不從德遣北地王鍾

帥步騎二萬擊之

帥讀曰率

德進據琅邪徐兗之民歸附者

十餘萬德自琅邪引兵而北以南海王法為兗州刺史

鎮梁父

父音甫

進攻莒城守將任安委城走德以潘聰為

徐州刺史鎮莒城

莒縣前漢屬城陽國後漢屬琅邪晉分屬東莞郡將即亮翻任音壬

蘭

汗之亂燕吏部尚書封孚南奔辟閭渾渾表為勃海太

守及德至孚出降

降戶江翻下同

德大喜曰孤得青州不為喜

喜得卿耳遂委以機密北地王鍾傳檄青州諸郡諭以

禍福辟閭渾徙八千餘家入守廣固遣司馬崔誕戍薄

荀固平原太守張豁戍柳泉

薄荀蓋人姓名遇亂聚衆保固此地因以為名齊人

率謂保聚之地為固漢書地理志北海郡有柳泉侯國後漢晉省

誕豁承檄皆降於德

渾懼攜妻子奔魏德遣射聲校尉劉綱追之及於莒城

斬之渾子道秀自詣德請與父俱死德曰父雖不忠

以辟

閭渾背燕為不忠

而子能孝特赦之渾參軍張瑛為渾作檄

瑛音

英為于偽翻

辭多不遜德執而讓之瑛神色自若徐曰渾之

有臣猶韓信之有蒯通通遇漢祖而生

事見十二卷臣高祖十二年

遭陛下而死比之古人竊為不幸耳德殺之遂定都廣

固 燕李旱行至建安燕主盛急召之羣臣莫測其故

九月辛未復遣之李朗聞其家被誅

被皮義翻

擁二千餘戶

以自固及聞旱還謂有內變不復設備

復扶又翻

留其子養

守令支

應劭曰令音鈴師古曰音郎定翻
孟康曰支音祇裴松支其兒翻

自迎魏師於

北平

前漢北平郡治平剛後漢治上垠晉治徐無後魏治盧龍

壬子旱襲令支克之

遣廣威將軍孟廣平追及朗於無終斬之

無終春秋無終子之國自

漢以來為縣屬右北平劉昫曰
唐薊州玉田縣漢無終縣地

秦主興以災異屢見

見賢
遍翻

降號稱王下詔令羣公卿士將牧守宰各降一等

將即亮翻守
式又翻下同

大赦改元弘始存問孤貧舉拔賢俊簡省

灋令清察獄訟守令之有政迹者賞之貪殘者誅之遠

近肅然 冬十月甲午燕中衛將軍衛雙有罪賜死李

旱還聞雙死懼棄軍而亡至板陁

陁音

復還歸罪

復扶
又翻

燕主盛復其爵位謂侍中孫勅曰旱為將而棄軍罪在

不赦

勅渠京翻
將即亮翻

然昔先帝蒙塵骨肉離心公卿失節惟

旱以宦者忠勤不懈始終如一

事見上卷二年

故吾念其功而

赦之耳 辛恭靖固守百餘日魏救未至秦兵拔洛陽

獲恭靖恭靖見秦王興不拜曰吾不為羗賊臣興囚之

恭靖逃歸自淮漢以北諸城多請降送任於秦

降戶江翻

魏王珪以穆崇為豫州刺史鎮野王

秦既克洛陽魏置鎮於野王以備其

渡河侵軼

會稽世子元顯性苛刻

會工外翻

生殺任意發東土

諸郡免奴為客者

奴戶者有罪沒為官奴公卿以下至九品官及宗室國賓先賢之後及士

人子孫占蔭以為客戶是謂免奴為客

號曰樂屬

樂徒各翻

移置京師以充兵

役東土噉然苦之孫恩因民心騷動自海島帥其黨殺

上虞令

上虞縣自漢以來屬會稽郡西北距郡城百餘里

帥讀曰率遂攻會稽會稽

內史王凝之羲之之子也世奉天師道

天師道即張道陵之所傳也會

工外翻

不出兵亦不設備日於道室稽顙跪呪

道室奉道之室也稽

啓音

官屬請出兵討恩凝之曰我已請大道借鬼兵守諸

津要各數萬賊不足憂也及恩漸近乃聽出兵恩已至

郡下甲寅恩陷會稽凝之出走恩執而殺之并其諸子

凝之妻謝道蘊奔之女也聞寇至舉措自若命婢肩輿

抽刀出門手殺數人乃被執

被皮義翻

吳國內史桓謙臨海

太守新秦王崇

晉書作新蔡王崇崇汝南王祐之曾孫自其祖父以來嗣新蔡國封秦當作蔡

義興太守魏隱皆棄郡走於是會稽謝鍼吳郡陸瓌吳

興丘

鍼其庶翻瓌姑回翻丘烏光翻

義興許允之臨海周胃永嘉張

永等及東陽新安凡八郡人一時起兵殺長吏以應恩

旬日之中衆數十萬吳興太守謝邈永嘉太守司馬逸

嘉興公顧脢南康公謝明慧黃門郎謝冲張琨中書郎

孔道等皆為恩黨所殺邈冲皆安之弟子也時三吳承

平日久民不習戰故郡縣兵皆望風奔潰恩據會稽自稱征東將軍逼人士為官屬號其黨曰長生人民有不與之同者戮及嬰孩死者什七八醢諸縣令以食其妻

子

食祥
吏翻

不肯食者輒支解之

支解者隨其支節
解剝若解牛然

所過掠

財物燒邑屋焚倉廩刊木堙井

孔安國曰刊槎
其木也堙塞也

相帥聚

於會稽

帥讀曰
率下同

婦人有嬰兒不能去者投於水中曰賀

汝先登仙堂我當尋後就汝恩表會稽王道子及世子元顯之罪請誅之自帝即位以來內外乖異石頭以南

皆為荆江所據以西皆豫州所專

江水自荆江二州界入揚州界皆東北流

歷陽在江西建康在江東孫權築石頭城蓋據江津之要衝也

京口及江北皆劉牢之

及廣陵相高雅之所制朝政所行惟三吳而已

朝直及遙翻

孫恩作亂八郡皆為恩有

八郡會稽臨海永嘉東陽新安吳興義興也

畿內

諸縣盜賊處處蠭起恩黨亦有潛伏在建康者人情危

懼常慮竊發於是內外戒嚴加道子黃鉞元顯領中軍

將軍命徐州刺史謝琰兼督吳興義興軍事以討恩劉

牢之亦發兵討恩拜表輒行

牢之鎮京口

西秦以金城太

守辛靜為右丞相 十二月甲午燕燕郡太守高湖帥

戶三千降魏湖泰之子也

為後高歡篡魏
張本降戶江翻

丙午燕主

盛封弟淵為章武公虔為博陵公子定為遼西公 丁

未燕太后段氏卒謚曰惠德皇后 謝琰擊斬許允之

迎魏隱還郡進擊丘弋破之與劉牢之轉聞而前所向

輒克琰留屯烏程

烏程縣前漢屬會稽郡後漢屬吳郡魏晉以來屬吳興郡

遣司馬

高素助牢之進臨浙江

浙之
列翻

詔以牢之都督吳郡諸軍

事初彭城劉裕生而母死父翹僑居京口家貧將棄之

同郡劉懷敬之母裕之從母也生懷敬未晷走往救之

斷懷敬乳而乳之

從才用翻斷丁管翻上乳如字下乳人喻翻

及長勇健有

大志僅識文字以賣履為業好樗蒲為鄉閭所賤

長知兩翻

好呼到翻

劉牢之擊孫恩引裕參軍事

晉宋之制參軍不署曹者無定員

使

將數十人覘賊遇賊數千人即迎擊之從者皆死

覘丑兩翻

從才用翻

裕墜岸下賊臨岸欲下裕奮長刀仰斫殺數人乃

得登岸仍大呼逐之

呼火故翻

賊皆走裕所殺傷甚衆劉敬

宣怪裕久不返引兵尋之見裕獨驅數千人咸共歎息

因進擊賊大破之斬獲千餘人

劉裕事始此

初恩聞八郡響

應謂其屬曰天下無復事矣

又復扶翻

當與諸君朝服至建

康

言欲踐位也朝直遙翻

既而聞牢之臨江曰我割浙江以東不

失作句踐

欲如越王句踐保有會稽也句音鉤

戊申牢之引兵濟江恩聞

之曰孤不羞走

江表傳周瑜之破魏軍也曹公曰孤不羞走故恩引以為言

遂驅男

女二十餘萬口東走多棄寶物子女於道官軍競取之

恩由是得脫復逃入海島

復扶又翻下同

高素破恩黨於山陰

山陰縣屬會稽郡郡城以北皆縣界

斬恩所署吳郡太守陸瓌

瓌工回翻

吳興

太守丘厓餘姚令吳興沈穆夫

餘姚縣屬會稽郡在郡城東二百餘里

東

土遭亂企望官軍之至

企去智翻

既而牢之等縱軍士暴掠

士民失望郡縣城中無復人跡月餘乃稍有還者朝廷

憂恩復至以謝琰為會稽太守都督五郡軍事帥徐州

文武戍海浦

五郡會稽臨海東陽永嘉新安也今自甌山而東至蘭風石堰鳴鶴松浦蟹浦定海

皆海浦也帥讀曰率

以元顯錄尚書事時人謂道子為東錄元顯

為西錄西府車騎填湊東第門可張羅矣元顯無良師

友所親信者率皆佞諛之人或以為一時英傑或以為

風流名士由是元顯日益驕侈諷禮官立議以已德隆

望重既錄百揆百揆皆應盡敬

舜納于百揆禹宅百揆周官曰唐虞稽古建官

維百內有百揆四岳外有州牧侯伯皆以百揆為官名孔安國曰揆度也舜舉八凱使揆度百事是古以百揆名官之義也晉人多以百揆為百官於是公卿以下見元顯皆拜時軍旅

數起國用虛竭自司徒以下日廩七升而元顯聚斂不

已富踰帝室

為元顯亡國敗家張本數所角翻斂力贍翻

殷仲堪恐桓玄

跋扈乃與楊佺期結昏為援佺期屢欲攻玄仲堪每抑止之玄恐終為殷楊所滅乃告執政求廣其所統執政

亦欲交構使之乖離乃加玄都督荊州四郡軍事

執政謂元

顯荊州四郡謂長沙

衡陽湘東零陵也

又以玄兄偉代佺期兄廣為南蠻

校尉佺期忿懼楊廣欲拒桓偉仲堪不聽出廣為宜都

建平二郡太守楊孜敬先為江夏相

夏戶雅翻相息亮翻

玄以兵

襲而劫之以為諮議參軍佺期勒兵建牙聲言援洛欲

與仲堪共襲玄仲堪雖外結佺期而內疑其心苦止之

猶慮弗能禁遣從弟邁屯于北境

邁以律翻雍州治襄陽在江陵之北以

遏佺期佺期既不能獨舉又不測仲堪本意乃解兵仲

堪多疑少決

少詩
召翻

諮議參軍羅企生謂其弟遵生曰殷

侯仁而無斷必及於難

企去智翻斷丁
亂翻難乃旦翻

吾蒙知遇義不

可去必將死之是歲荊州大水平地三丈仲堪竭倉廩

以賑饑民

賑之
忍翻

桓玄欲乘其虛而伐之乃發兵西上

上時

掌翻亦聲言救洛與仲堪書曰佺期受國恩而棄山陵宜

共罪之

晉復洛陽以屬雍州統內
故玄以棄山陵罪佺期

今當入沔討除佺期

沔彌
充翻

已頓兵江口若見與無貳

與許也從也黨也
心持兩端為貳

可收

楊廣殺之如其不爾便當帥兵入江

入江則欲攻江陵
帥讀曰率下同

時巴陵有積穀玄先遣兵襲取之梁州刺史郭銓當之

官路經夏口

夏戶雅翻

玄詐稱朝廷遣銓為已前鋒乃授以

江夏之衆使督諸軍竝進密報兄偉令為內應偉遽

不知所為

遽急也遽亦急也

自齎疏示仲堪仲堪執偉為質

質音

致令與玄書辭甚苦至玄曰仲堪為人無決常懷成敗

之計為兒子作慮

為于偽翻

我兄必無憂也仲堪遣殷遙帥

水軍七千至西江口

水經江水東至長沙下雋縣北湘水從南來注之江水又東左得二

夏浦註云夏浦俗謂之西江口

玄使郭銓符宏擊之

孝武太元十年符宏來奔處之江州

玄因以為將遙等敗走玄頓巴陵食其穀仲堪遣楊廣及弟

子道護等拒之皆為玄所敗

敗補邁翻

江陵震駭城中乏食

以胡麻廩軍士

胡麻今謂之芝麻粒小於粟而黑可以為油九炊九曝以為飯食之使人不飢

康當作稟給也

玄乘勝至零口

零口即靈溪入江之口

去江陵二十里仲

堪急召楊佺期以自救佺期曰江陵無食何以待敵可

來見就共守襄陽仲堪志在全軍保境不欲棄州逆走

乃給之曰

給待亥翻

比來收集已有儲矣

比毗至翻近也

佺期信之

帥步騎八千精甲耀日至江陵仲堪唯以飯餉其軍佺

期大怒曰今茲敗矣不見仲堪與其兄廣共擊玄玄畏

其銳退軍馬頭

江陵縣南有江津
戍南對馬頭岸

明日佺期引兵急擊

郭銓幾獲之

幾居
依翻

會玄兵至佺期大敗單騎奔襄陽仲

堪出奔鄧城

鄧縣即蕭何所封之邑漢屬南
陽郡晉分屬順陽郡鄧音贊

玄遣將軍

馮該追佺期及廣皆獲而殺之傳首建康佺期弟思平

從弟尚保孜敬逃入蠻中

從才
用翻

仲堪聞佺期死將數百

人將奔長安至冠軍城

冠軍縣即霍去病所封之邑屬
南陽郡其地在唐鄧州臨湍縣

南界冠
古玩翻

該追獲之還至柞溪

水經註柞溪水出江陵縣
北蓋諸池散流咸所會合

積以成川東流逕驛路水上有大橋仲堪縊處也又東注船官湖柞子各翻又在各翻

逼令自殺

并殺殷道護仲堪奉天師道禱請鬼神不吝財賄而畱

於周急好為小惠以悅人

好呼到翻

病者自為診脉分藥

診止

忍翻按脉以候病為診為于偽翻

用計倚伏煩密而短於鑒略故至於

敗仲堪之走也文武無送者惟羅企生從之路經家門

弟遵生曰作如此分離何可不一執手企生旋馬授手

遵生有力因牽下之曰家有老母去將何之企生揮淚

曰今日之事我必死之汝等奉養

企去智翻養羊尚翻下同

不失子

道一門之內有忠與孝亦復何恨

復扶又翻

遵生抱之愈急

仲堪於路待之見企生無脫理策馬而去及玄至荊州
人士無不詣玄者企生獨不往而營理仲堪家事或曰
如此禍必至矣企生曰殷侯遇我以國士為弟所制不
得隨之共殄醜逆復何面目就桓求生乎

復扶又翻下同

玄聞

之怒然待企生素厚先遣人謂曰若謝我當釋汝企生
曰吾為殷荊州吏荊州敗不能救尚何謝為玄乃收之
復遣人問企生欲何言企生曰文帝殺嵇康嵇紹為晉

忠臣

殺嵇康事見七十八卷魏元帝景元三年嵇紹死事見八十五卷惠帝永興元年

從公乞

一弟以養老母玄乃殺企生而赦其弟涼王光疾甚

立太子紹為天王自號太上皇帝以太原公纂為太尉

常山公弘為司徒謂紹曰今國家多難三隣伺隙

三鄰謂亮

髮乞伏段業也難乃旦翻

吾沒之後使纂統六軍弘管朝政

朝直遙翻

汝

恭已無為委重二兄庶幾可濟

幾居依翻

若內相猜忌則蕭

牆之變旦夕至矣又謂纂弘曰永業才非撥亂

呂紹字永業

直以立嫡有常猥居元首

君為元首

今外有彊寇人心未寧

汝兄弟緝睦則祚流萬世

緝當作輯

若內自相圖則禍不旋

踵矣纂弘泣曰不敢又執纂手戒之曰汝性麤暴深為

吾憂善輔永業勿聽讒言是日光卒

年六十三

紹秘不發喪

纂排閤入哭盡哀而出紹懼以位讓之曰兄功高年長

長知兩翻

宜承大統纂曰陛下國之冢嫡臣敢奸之

奸音干

紹

固讓纂不許驃騎將軍呂超謂紹曰纂為將積年

驃匹妙翻

騎奇寄翻將即亮翻

威震內外臨喪不哀步高視遠必有異志宜

早除之紹曰先帝言猶在耳奈何棄之吾以弱年負荷

大任

荷下可翻

方賴二兄以寧家國縱其圖我我視死如歸

終不忍有此意也卿勿復言

復扶又翻下同

纂見紹於湛露堂

超執刀侍側目纂請收之紹弗許

為超終殺纂張本

超光弟寶

之子也弘密遣尚書姜紀謂纂曰主上闇弱未堪多難

難乃旦翻

兄威恩素著宜為社稷計不可徇小節也纂於是

夜帥壯士數百踰北城攻廣夏門弘帥東苑之衆斧洪

範門

王隱晉書曰涼州城東西三里南北七里本匈奴所築及張氏之世又增築四城稍各千步東城命

曰講武場北城命曰玄武園皆植園果有宮殿廣夏門洪範門皆中城門也帥讀曰率夏戶雅翻

左衛

將軍齊從守融明觀

觀古玩翻

逆問之曰誰也衆曰太原公

從曰國有大故主上新立太原公行不由道夜入禁城

將為亂邪因抽劒直前斫纂中額

中竹仲翻

纂左右禽之纂

曰義士也勿殺紹遣虎賁中郎將呂開帥禁兵拒戰於

端門呂超帥卒二千赴之衆素憚纂皆不戰而潰纂入

自青角門升謙光殿

青角門蓋涼州中城之東門也謙光殿張駿所起自以專制河右而

世執臣節雖謙而光故以名殿

紹登紫閣自殺呂超奔廣武纂憚弘兵

彊以位讓弘弘曰弘以紹弟也而承大統衆心不順是

以違先帝遺命而廢之慙負黃泉

杜預曰地中之泉故曰黃泉

今復

踰兄而立豈弘之本志乎纂乃使弘出告衆曰先帝臨

終受詔如此羣臣皆曰苟社稷有主誰敢違者纂遂即

天王位

纂字永緒光之庶長子也

大赦改元咸寧謚光曰懿武皇帝

廟號太祖謚紹曰隱王以弘為大都督督中外諸軍事

大司馬車騎大將軍司隸校尉錄尚書事改封番禾郡

公

番音盤

纂謂齊從曰卿前斫我一何甚也從泣曰隱王

先帝所立陛下雖應天順人而微心未達惟恐陛下不

死何謂甚也纂賞其忠善遇之纂叔父征東將軍方鎮

廣武纂遣使謂方曰

使疏吏翻

超實忠臣義勇可嘉但不識

國家大體權變之宜方賴其用以濟世難

難乃旦翻

可以此

意諭之超上疏陳謝纂復其爵位

為超殺纂張本

是歲燕主

盛以河間公熙為都督中外諸軍事尚書左僕射領中

領軍

劉衛辰子文陳降魏

降戶江翻

魏主珪妻以宗女

妻七

細翻

拜上將軍賜姓宿氏

魏內入諸姓有宿六斤氏改為宿氏蓋使文陳與之合族屬

四年春正月壬子朔燕主盛大赦自貶號為庶人天王

魏材官將軍和跋

漢置材官將軍領郡國材官士以出征師還則省晉魏以後置材官

將軍主工匠土木之事則漢右校令之任也

襲盧溥於遼西戊午克之

溥附燕見

上年禽溥及其子煥送平城車裂之燕主盛遣廣威將軍

孟廣平救溥不及斬魏遼西守宰而還 乙亥大赦

西秦王乾歸遷都苑川

乞伏氏本居苑川乾歸遷于金城今復都苑川

禿髮

利鹿孤大赦改元建和

高句麗王安事燕禮慢

句如字又

音駒麗力知翻

二月丙申燕王盛自將兵三萬襲之

將即亮翻以驃

騎大將軍熙為前鋒拔新城南蘇二城開境七百餘里

徙五千餘戶而還

還從宣翻
又如字

熙勇冠諸將盛曰叔父雄

果有世祖之風

慕容垂廟號世祖
冠古玩翻下同

但弘略不如耳

初

魏主珪納劉頭眷之女寵冠後庭生子嗣及克中山

中克

山見一百九
卷隆安元年

獲燕主寶之幼女將立皇后用其國故事

鑄金人以卜之劉氏所鑄不成慕容氏成三月戊午立

慕容氏為皇后

北史曰魏故事將立皇后必令手鑄
金人以成者為吉不則不得立也

桓玄既克荆雍

雍於
用翻

表求領荆江二州詔以玄為都督

荆司雍秦梁益寧七州諸軍事荊州刺史以中護軍桓

脩為江州刺史玄上疏固求江州於是進玄督八州及

揚豫八郡諸軍事復領江州刺史

復扶又翻

玄輒以兄偉為

雍州刺史朝廷不能遠又以從子振為淮南太守

玄既督八

州及揚豫八郡則西極岷嶓東盡歷陽蕪湖皆其統內矣漢晉淮南郡本治壽春成帝時祖約蘇峻為亂胡寇又屢至民南渡江者轉多乃於江南僑立淮南郡後又割丹陽之于湖為淮南境玄遣振守之是逼建康之漸也從才用翻

涼王纂以大司馬弘功高地逼忌之弘亦自

疑遂以東苑之兵作亂攻纂纂遣其將焦辨擊之

將即亮翻

弘眾潰出走纂縱兵大掠悉以東苑婦女賞軍弘之妻

予亦在中纂笑謂羣臣曰今日之戰何如侍中房晷對

曰天禍涼室憂患仍臻先帝始崩隱王廢黜山陵甫訖

大司馬稱兵京師流血昆弟接刃雖弘自取夷滅亦由

陛下無常棣之恩

左傳富辰曰召穆公思周德之不類糾合宗族於成周而作詩曰常棣之

華鄂不韡韡凡今之人莫如兄弟其四章曰兄弟鬩于牆外禦其侮如是則兄弟雖有小忿不廢懿親

當

省己責躬以謝百姓

省悉景翻

乃更縱兵大掠囚辱士女繫

自弘起百姓何罪且弘妻陛下之弟婦弘女陛下之侄

也奈何使無賴小人辱為婢妾天地神明豈忍見此遂

歔歔流涕

歔音虛歔許
既翻又音希

纂改容謝之召弘妻子寘於東

宮厚撫之弘將犇禿髮利鹿孤道過廣武詣呂方方見

之大哭曰天下甚寬汝何為至此乃執弘送獄纂遣力

士康龍就拉殺之

拉盧合翻

纂立妃楊氏為后以后父桓為

尚書左僕射涼都尹

涼都姑臧改武威太守為涼都尹

辛卯燕襄平

令段登等謀反誅

涼王纂將伐武威王利鹿孤中書

令楊穎諫曰利鹿孤上下用命國未有釁不可伐也不

從利鹿孤使其弟儁檀拒之

儁奴沃翻

夏四月儁檀敗涼兵

於三堆

三堆在浩靈河
南敗補遺翻

斬首二千餘級

初隴西李嵩

好文學有令名

嵩古老翻
好呼到翻

嘗與郭磨及同母弟敦煌宋

繇同宿

磨奴昆翻
敦煌門翻

磨起謂繇曰君當位極人臣李君終

當有國家有騾馬生白額駒

騾馬牝馬也騾
音課晉書作駒

此其時也

及孟敏為沙州刺史以嵩為效穀令

效穀縣自漢以來
屬敦煌郡師古曰

本魚澤障也桑欽說孝武元封六年濟南崔不意為魚
澤尉放力田以勤效得穀因立為縣名後周併入敦煌

縣宋繇事北涼王業為中散常侍

以中散大夫常侍
左右也散悉亶翻

孟

敏卒敦煌護軍馮翊郭謙沙州治中敦煌索仙等

索音
各翻

以曷溫教有惠政推為敦煌太守

敦煌門徒

曷初難之會宋

繇自張掖告歸謂曷曰段王無遠略終必無成兄忘郭

磨之言邪白額駒今已生矣曷乃從之遣使請命於業

使疏吏翻

業因以曷為敦煌太守右衛將軍敦煌索嗣言於

業曰李曷不可使處敦煌

索昔各翻處昌呂翻

業遂以嗣代曷為

敦煌太守使帥五百騎之官

帥讀曰率

嗣未至二十里移曷

迎已

未至敦煌纔二十里移書於曷使迎已也

曷驚疑將出迎之效穀令張

邈及宋繇止之曰段王闇弱正是英豪有為之日將軍

據一國成資奈何拱手授人嗣自恃本郡謂人情附已

不意將軍猝能拒之可一戰擒也曷從之先遣繇見嗣

咱以甘言

咱徒敢翻
又徒陷翻

繇還謂曷曰嗣志驕兵弱易取也

易以
敢翻

曷乃遣邈繇與其二子歆讓逆擊嗣嗣敗走還張

掖曷素與嗣善尤恨之表業請誅嗣沮渠男成亦惡嗣

勸業除之業乃殺嗣

段業既失張掖又殺索嗣以自剪
其羽翼所以終死於沮渠蒙遜之

手惡鳥
路翻

遣使謝曷進曷都督涼興以西諸軍事鎮西將

軍

段業分敦煌之涼興烏澤晉昌之宜禾為涼興郡至
宇文氏併晉之廣至宜安淵泉合為涼興縣隋唐瓜

州之常樂縣
即其地也

吐谷渾視羆卒世子樹洛干方九歲弟

烏紇提立妻樹洛干之母念氏生慕瓚慕延

瓚古回翻

烏紇

堤懦弱荒淫不能治國

治直之翻

念氏專制國事有膽智國

人畏服之 燕前將軍段璣太后段氏之兄子也為段

登辭所連及五月壬子逃奔遼西

為後段璣等弑盛張本盛慙蘭汗嚴刑以

繩下亦終於身死人手人而不仁疾之已甚亂也

丙寅衛將軍東亭獻侯王

珣卒 己巳魏主珪東如涿鹿西如馬邑觀灑源

灑力水翻

戊寅燕段璣復還歸罪

復扶又翻

燕王盛赦之賜號曰思

悔侯使尚公主入直內殿 謝琰以資望鎮會稽

資謂門地

成資望謂時望會工外翻

不能綏懷又不為武備諸將咸諫曰賊近

在海浦同人形便宜開其自新之路琰不從曰苻堅之

衆百萬尚送死淮南

琰與謝玄同破苻堅遂輕孫恩

孫恩小賊敗死入

海何能復出

復扶又翻下同

若其果出是天欲殺之也既而恩

寇浹口

浹口今在明州定海縣虎蹲山外浹即叶翻杜佑曰浹口在明州鄞縣東北七十里

入餘

姚破上虞進及邢浦

晉書曰邢浦去山陰北三十五里

琰遣參軍劉宣

之擊破之恩退走少日復寇邢浦

少詩沼翻復扶又翻下同

官軍失

利恩乘勝徑進已邛至會稽琰尚未食曰要當先滅此

賊而後食因跨馬出戰兵敗為帳下都督張猛所殺吳

興太守庾桓恐郡民復應恩殺男女數千人恩轉寇臨

海朝廷大震遣冠軍將軍桓不才

冠古
玩翻

輔國將軍孫無

終寧朔將軍高雅之拒之秦征西大將軍隴西公碩

德將兵五千伐西秦

五千恐
少當考

入自南安峽

南安峽在唐
秦州隴城縣

界德將
即亮翻西秦王乾歸帥諸將拒之

帥讀
曰率

軍于隴西楊

軌田玄明謀殺武威王利鹿孤利鹿孤殺之

隆安二年
楊軌降利

孤鹿 六月庚辰朔日有食之 以琅邪王師何澄為尚

書左僕射

晉諸王置師友文學各一人初避景帝諱改師為傳後以祧廟不諱復為師

澄準

之子也

何準見一百卷穆帝升平元年

甲子燕大赦

涼王纂將襲

北涼姜紀諫曰盛夏農事方殷且宜息兵今遠出嶺西

自姑臧西北出張掖其間有大嶺度嶺而西西郡當其要

禿髮氏乘虛襲京師將若

之何不從進圖張掖西掠建康禿髮得檀聞之將萬騎

襲姑臧纂弟隴西公緯憑北城以自固傳檀置酒朱明

門上鳴鐘鼓饗將士曜兵於青陽門

朱明門姑臧城南門也青陽門東門

也傳奴
沃翻

掠八千餘戶而去纂聞之引兵還 秋七月壬

子太皇太后李氏崩 丁卯大赦 西秦王乾歸使武

衛將軍慕兀等屯守秦軍樵采路絕秦王興潛引兵救

之乾歸聞之使慕兀帥中軍二萬屯栢楊

水經註伯陽水出伯陽谷

在董亭東又東有伯陽城城南謂之伯陽川蓋李耳西
入往還所由故川原畝谷往往播其名後又訛為栢楊
五代志天水郡秦嶺縣後魏置伯陽縣隋開皇中
更名秦嶺唐併秦嶺入清水縣帥讀曰率下同 鎮軍

將軍羅敦帥外軍四萬屯侯辰谷乾歸自將輕騎數千

前候秦兵

將即亮翻騎
奇寄翻下同

會大風昏霧與中軍相失為追

騎所逼入於外軍旦與秦戰大敗走歸苑川其部衆三

萬六千皆降於秦興進軍枹罕

降戶江翻枹音膚

乾歸犇金城

謂諸豪帥曰

帥所類翻

吾不才叨竊名號已踰一紀

孝武太元十三

年乾歸嗣國至是十三年

今敗散如此無以待敵欲西保允吾

允吾縣漢

屬金城郡晉志省劉昫曰唐鄯州龍支縣漢允吾縣允吾音鉦牙

若舉國而去必不得

免卿等留此各以其衆降秦以全宗族勿吾隨也皆曰

死生願從陛下乾歸曰吾今將寄食於人若天未亡我

庶幾異日克復舊業

幾居希翻

復與卿等相見今相隨而死

無益也乃大哭而別乾歸獨引數百騎奔允吾乞降於

武威王利鹿孤利鹿孤遣廣武公儁檀迎之置於晉興

張軌分西平界置晉興郡關駟曰允吾縣西四十里有小晉興城儁奴沃翻

待以上賓之禮

鎮北將軍禿髮俱延言於利鹿孤曰乾歸本吾之屬國

因亂自尊今勢窮歸命非其誠款若逃歸姚氏必為國

患不如徙置乙弗之間

乙弗亦鮮卑種居西海北史曰吐谷渾北有乙弗勿敵國國有

曲海海周回千餘里種有萬落風俗與吐谷渾同北史又曰乙弗世為吐谷渾渠帥居青海號青海王

使

不得去利鹿孤曰彼窮來歸我而逆疑其心何以勸來

者俱延利鹿孤之弟也秦兵既退南羗梁戈等密招乾歸乾歸將應之其臣屋引阿洛以告晉興太守陰暢暢馳白利鹿孤利鹿孤遣其弟吐雷帥騎三千屯捫天嶺

捫天嶺在允吾東南

乾歸懼為利鹿孤所殺謂其太子熾磐曰

熾昌

志吾父子居此必不為利鹿孤所容今姚氏方強吾將

歸之若盡室俱行必為追騎所及吾以汝兄弟及汝母

為質

質音致

彼必不疑吾在長安彼終不敢害汝也乃送

熾磐等於西平八月乾歸南奔枹罕遂降於秦 丁亥

尚書右僕射王雅卒 九月癸丑地震 涼吕方降於

秦廣武民三千餘戶奔武威王利鹿孤

吕方鎮廣武既降於秦其民無

主故奔秃髮氏

冬十一月高雅之與孫恩戰於餘姚雅之敗

走山陰死者什七八詔以劉牢之都督會稽等五郡帥

衆擊恩

會工外翻 帥讀曰率

恩走入海牢之東屯上虞使劉裕戍

句章

句章縣自漢以來屬會稽郡今鄞縣以東定海昌國皆其地也

吳國內史袁崧築

滬瀆壘以備恩崧喬之孫也

袁崧當作袁山松滬瀆今在平江府吳縣東陸龜蒙

叙矢魚之具云列竹於海濱曰滬是瀆以此得名吳都記松江東馮海名曰滬瀆與地志曰鳧業者濱海捕魚

之名挿竹列於海中以繩編之向岸張兩翼潮上即浸潮落即出魚隨海潮礙竹不得去名曰扈瀆范成大吳郡志曰列竹於海濱曰扈吳之扈瀆是也自扈瀆沂松江至吳郡將門將門今訛為匠門袁喬見九十七卷穆帝永和二年

會稽世子元顯求領徐州詔以元顯為開

府儀同三司都督揚豫徐兗青幽冀并荆江司雍梁益

交廣十六州諸軍事領徐州刺史

雍於用翻

封其子彥瑋為

東海王 乞伏乾歸至長安秦王興以為都督河南諸

軍事河州刺史歸義侯

此河南謂金城河之南

久之乞伏熾磐欲

逃詣乾歸武威王利鹿孤追獲之利鹿孤將殺熾磐廣

武公傳檀曰子而歸父無足深責宜宥之以示大度利

鹿孤從之

禿髮傳檀勸其兄宥熾磐而卒死於熾磐之手豈非養虎自遺患乎

秦王興

遣晉將劉嵩等二百餘人來歸

劉嵩等蓋因洛陽陷而沒於秦將即亮翻

北凉晉昌太守唐瑤叛移檄六郡

六郡蓋敦煌酒泉晉昌凉興建康祁連也

推李嵩為冠軍大將軍沙州刺史凉公領敦煌太守

嵩古

老翻冠古玩翻

嵩赦其境內改元庚子

北凉之地至此又分為西凉

以瑤為

征東將軍郭謙為軍諮祭酒索仙為左長史

索昔各翻

張邈

為右長史尹建興為左司馬張體順為右司馬遣從事

中郎宋繇東伐涼興并擊玉門已西諸城皆下之酒泉

太守王德亦叛北涼自稱河州刺史北涼王業使沮渠

蒙遜討之德焚城將部曲奔唐瑤蒙遜追至沙頭大破

之

沙頭縣本屬酒泉郡惠帝分屬
晉昌郡沮子余翻將即亮翻

虜其妻子部落而還

還從宣翻
又如字

十二月戊寅有星孛於天津

天文志天津
九星橫河中

一曰天漢一曰天江主四瀆津梁
所以度神通四方也孛蒲內翻

會稽世子元顯以星

變解錄尚書事

會工
外翻

復加尚書令

復扶
又翻

吏部尚書車胤

以元顯驕恣

車尺
遮翻

白會稽王道子請禁抑之元顯聞而

未察以問道子曰車武子屏人言及何事

車盾字武子
屏必郢翻

道子弗答固問之道子怒曰爾欲幽我不令我與朝士

語邪

朝直
送翻

元顯出謂其徒曰車盾問我父子密遣人責

之盾懼自殺

問古
覓翻

士辰燕主盛立燕臺統諸部雜夷

二趙以來皆立單于臺
以統雜夷咸仍此立之

魏太史屢奏天文乖亂魏主

珪自覽占書多云改王易政乃下詔風勵羣下以帝王

繼統皆有天命不可妄干

風讀
日諷

又數變易官名欲以厭

塞災異

數所角翻厭於
葉翻塞悉則翻

儀曹郎董謐獻服餌僊經珪置

仙人博士立仙坊煑鍊百藥封西山以供薪蒸

西山平城西山

也毛晃曰麓
曰薪細曰蒸

藥成令死罪者試服之多死不驗而珪猶

信之訪求不已珪常以燕主垂諸子分據勢要使權柄

下移遂至敗亡深非之博士公孫表希旨上韓非書

上時

掌翻

勸珪以法制御下左將軍李粟性簡慢

粟或作粟

常對珪

舒放不肅咳唾任情

咳口慨翻

珪積其宿過遂誅之羣下震

栗

史言魏主珪
悖暴于治

丁酉燕主盛尊獻莊后丁氏為皇太

后立遼西公定為皇太子大赦是歲南燕王德即皇

帝位于廣固

德字玄明號之少子也

大赦改元建平更名備德

工更

衙翻

欲使吏民易避

易以敗翻


追謚燕主暉曰幽皇帝以北地

王鍾為司徒慕輿拔為司空封孚為左僕射慕輿護為右僕射立妃段氏為皇后



資治通鑑卷一百一十一

財團法人
佛陀教育基金會
釋淨空
敬贈



總校官庶吉士 臣侍 朝
校對官檢討 臣王坦修
謄錄貢生 臣張誠智